

EL SANTO EVANGELIO SEGÚN SAN MARCOS

Juan el Bautista predica en el desierto

(Mt. 3.1-12; Lc. 3.1-9, 15-17; Jn. 1.19-28)

- 1** ¹ Jesucristo Dio Macu ye queti caroa queti ocõo bairo cãni jũgoyupa. ² Tĩrumũpũ macacu Dio ye queti buiori majocu Isaía cawamecũcũ ocõo bairo caĩ ucayupi Jesucristo ati yepapũre cũ cáatĩpere: Camajare na canetoo catiopaũ majuu cũ jũgoye yũ joogu apeiĩre yũ ye quetire cabuio jũgoyeyepaũre. Cũna anigũmi camaja na yerire caroaro catũgoõña quenoo yuu rotii.
- ³ Jĩcaũ cayucu mani yepapũre camaja manopũ awaja tũjnucũ teñagũmi. Ocõo bairo ĩ buiogũmi cũ tũpũ caejarãre: “Caroaro quenoo yuuya mũja yerire, cariape tũgoõñari mani Ƴpaũ cũ cáatĩparo jũgoye. Caroa macare ája,” caĩ ucayupi Isaía, Juan cũ cabaĩpere Dio cũre cũ caĩ rotiriquere.
- ⁴ To bairi Juan cayucu mani yepapũre acũ ocõo bairo na caĩñũpũ camajare: —Caroorije mũja cátinucurijere jũtiritiri mũja yeri wajoaya. Coje rericarore bairo caroorije já cátiere Dio cũ majirioato ĩrã bautisa rotiya, na caĩñũpũ Juan.
- ⁵ Capãarã ti yepapũ Judeapũ macana, Jerusalén macana quena capãarã camaja Juan cũ cabuoirijere caapirã aájuparã. Caroorije na cátajere jũtiriti, “Caroorije cána já ã,” Diore na caĩro Jordán cawamecũti yapũ na cabautisayupũ Juan.
- ⁶ Cũ jutiĩro waibũcũrã cameyo cawamecũna poa mena juarica wũ cajaanucũñũpũ Juan. Cũ wẽarica wẽ waibũcũ ajero wẽ cãñũpe. To bairi diroare, ñĩmiare ũga, beroa ocore caetinuñũpũ Juan. ⁷ Camajare ocõo bairo na caĩ buionucũñũpũ Juan: —Yũ bero apei yũ netoro cãni majuu atĩgũmi. Cũre bairo cabaiĩ mee yũ ã. Cawatoa macacu, paa coteri majocũre bairona yũ ã. ⁸ Oco mena cabautisau yũ ã yũa. Cũ maca Espĩritu Santore mũja joogũmi cũre caboorãre. Cũ Espĩritu Santore joũ, oco mena coje majuuricarore bairo mũja atĩgũmi, caroorije mũja cátiere rei.

El bautismo de Jesús

(Mt. 3.13-17; Lc. 3.21-22)

⁹ Juan camajare cũ cabautisari rũmũrina Jesu quena Galilea yepa Nasaré macapũ cãnacũ Jordán cawamecũti ya Juan tũpũ caejayupũ Jesu. Topũ

cũ caejaro cũ cabautisayurũ Juan. ¹⁰Cũ cabautisaro bero Jesu camaa nũcañurũ ti ya tũjaro. Маанuca, ымгесоо jope capãro catũjuyurũ Jesu. Cũ catũjũro buare bairo bauũ Espĩritu Santo carui ajurũ Jesu bui. ¹¹To bairo cũ cabairĩ paũna ымгесоорũ cũ Pacũ cũ cawadarijere caapiyurũ Jesu:

—Yũ Macũ, yũ camai netoũ majuu mũ ã. Seeto mũ yũ tũjũ wariĩuu, cũ caĩñurũ Dio Jesure.

Tentación de Jesús

(Mt. 4.1-11; Lc. 4.1-13)

¹²Jesure Juan cũ cabautisaricarõ bero nemoona Espĩritu Santo cũ cane aájurũ cayucũ manĩ yepa, camaja manorũ yua. ¹³Jesu topũre cuarenta rũmũri majuu cañurũ. Waibucurã cauwarã watoarũ cañurũ. Topũ Jesu cũ cãno Satanã maca ¿Diore cũ bai netoo nũcabocuti? ïi ricati wame caroori wamere cũ cáti rotibajurũ. Jesure Satanã to bairo cũ caĩ wadajãrona Dio tũ macana cũ cacotera ejayuparã ángel maja Jesure.

Jesús comienza su trabajo en Galilea

(Mt. 4.12-17; Lc. 4.14-15)

¹⁴Cabero uraũ Herode Juan camajare bautisari majocũre presorũ cũ cajõoñurũ. Juan presorũ cũ cãnitoye Jesu Galilea yeparũ cãaájurũ tunu, Dio ye quetire buio teñaũ aãcũ. ¹⁵Ocõo bairo caĩ buio teñañurũ:

—Mere ejatũgami mũja tũpũre yoaro mũja cayuuricu. Yucũacãna mere Uraũ jãagumi. To bairi caroorije mũja cátinucurijere jutiritiri mũja catũgooñarijere wajoaya. Dio camajare na netoo catiogumi ïriquere api nũcũbũgoya, caĩ buio teñañurũ.

Jesús llama a cuatro pescadores

(Mt. 4.18-22; Lc. 5.1-11)

¹⁶Cabero Jesu Galilea cawamecuti ra utabucura tũjarorũ cãaãteñañurũ. Ti ra tũjaro aãteñaũ topũ Simõn, apeĩ cũ bai André na cabũga ejayurũ. Wai wajari maja cañuparã naa. To bairi Jesu na tũpũ cũ caejari paũna bapire caroca ñuañuparã ti rapũre. ¹⁷To bairo na cáto tũjũũ:

—Jitã yũ mena, na caĩñurũ Jesu. —Caroaro mũja wai waja maji. Yucũra yũ mena aãna camajare Dio ye quetire mũja buio majigarã. To bairo mũja caĩ buiorijere apirã na quena Diore caapiũjarã anigarãma, na caĩñurũ Jesu.

¹⁸To bairo cũ caĩrijere apirã nemoona na bapi yucũre piti cũ, Jesu mena cãaãcoajuparã.

¹⁹Jesu petoacã aãnemoũ pũgarãre na cabũga ejayurũ. Sebedeo punaare Jacobo, cũ bai Juan jãare na cabũga ejayurũ. Bapi yucũ cawooriquere jia quenoorã cumuarũ cáti jañañuparã. ²⁰Na quenare na capiurũ Jesu. To bairo na cũ caĩ piro apiri na pacũ Sebedeore, cũ paari majare na cãaãweoyuparã, Jesu mena aãna yua.

Un hombre que tenía un espíritu malo

(Lc. 4.31-37)

²¹Cabero Capernaum cawamecuti macarũ caejayurũ Jesu cũ buerã mena. Sábado cãno judío maja na yerijãrica rũmũ cãno na caneñaonucuri wiipũ cajãa ejayurũ Jesu. Ti wiipũ jãa ejaũ ti wiipũ cãnare na cabuio jũgoyurũ Dio ye quetire. ²²Jesu cũ cabuiorijere apirã api wariĩuubana

quena caari acuacoajupará, caroaro camaji netoñ ãmi írã. Nare cabuionucurãre bairo na cabuioquẽjupũ Jesu maca. ²³Ti wii na caneñapori wiĩpũ jĩcañ cawãti jãa ecooricũ caĩñupũ. Ocõo bairo caĩ awajayupũ:

²⁴—iJesu, Nasaré macacu! iJã patowãcooqueticõaña! ¿Jãre rei acú mũ bairi? Mũ yũ tũju maji. Dio cũ cajooricũna mũ ã mũa, caroorije cátiquẽcũ. Caĩñu netoñ majuu mũ ã, cũ caĩ awajayupũ cawãti jãa ecooricũ.

²⁵To bairo cũ caĩ awajaro apii Jesu wãti camajocupũre cajaanũre cũ tutii ocõo bairo cũ caĩñupũ:

—iJanacoacũja! To cõona buti aácũja, cũ caĩñupũ Jesu.

²⁶To bairo Jesu cũ caĩrona wãti camajocupũre cãcũ cũ cayugui mecũ riañaõ joroque cũ cájupũ. To bairo cũ áti, seeto majuu caawajacoa buti aájupũ yua. ²⁷To bairo cũ cabairo tũjurã ti wiĩpũ caneñaporã catũju acuacoajupará. Tũju acua, na majuuna caame jeniñañupará:

—¿Ñee unie to áti ati wame cũ cawama buerije? Wãtia camajapũre cajaanãrã quenare na buu recõami. Na cũ cabuti rotirona buticoapa, caame iñupará.

²⁸To bairi yoaro mee Jesu cũ cãnie quetire Galilea yepa macana caqueti api peticoajupará.

Jesús sana a la suegra de Simón Pedro

(Mt. 8.14-15; Lc. 4.38-39)

²⁹Jesu neñaporica wiĩpũ butiri bero Simón, André jãa ya wiĩpũre caejayupará Jacobo, Juan, Jesu jãa. ³⁰Ti wiĩpũre Simón mañico bũgoye riaõ cájupo. Jesure, “Riaõ áamo,” cũ caĩ buioyupará. ³¹Jesu to bairo na caĩro apii co catũju jãajupũ. Jãa, co wamopũ ñe, co catũga wamũo nũcoñupũ. To bairo cũ cátona nemoo bũgoye cajanacoajupe. To bairi cati wamũñca, nare caugarique peobojayupo yua.

Jesús sana a muchos enfermos

(Mt. 8.16-17; Lc. 4.40-41)

³²Muĩpu cũ caroca jãaro bero canaiori paũ bero cãno camaja nipetirã cariaye cunare, cawãtiacũna quenare na cajee ejayupará Jesu tũpũre. ³³To bairi nipetirã ti maca macana jope tũpũ caneñapoyupará. ³⁴To bairo na caneñaporo tũjuñ capãarã cariarãre na cariaye cutiere na canetoobojayupũ Jesu. Ricati wameri jeto na cariaye cutiere na cacatoyupũ. Cawãtia jañarã quenare na canetoñupũ Jesu. Wãtiare na buu rei na cawada rotiquẽjupũ, Dio Macũ yũ cãniere camajare na iqueticõato ñi.

Jesús predica en Galilea

(Lc. 4.42-44)

³⁵Ape rumũ cabujuparo jũgoye Jesu yopi, ti maca tũjaro camaja manopũ Diore cajenii aájupũ. ³⁶Cabero Simón, aperã cũ mena macana mena Jesure camacara aájupará. ³⁷Cũre bũga ejarã, ocõo bairo cũ caĩñupará:

—Camaja nipetirã mũre macarã áama, cũ caĩñupará.

³⁸To bairo na caĩro:

—Jitã apero catuacã cãni macaripũ. Topũ quenare yũ ye quetire na yũ buiogũ. Tierena buio teñañ acú yũ cáarú ati yerapũre, caĩñupũ Jesu.

³⁹To bairi Jesu nipetiro Galilea yerapũ camaja na caneñaponucuri wiĩripũ na cabuio teñanucũñupũ. Cawãtia cunare na carebojanucũñupũ.

Jesús sana a un leproso

(Mt. 8.1-4; Lc. 5.12-16)

⁴⁰ Jesu Galileapɔ cɔ cāno jīcaɔ camajocɔ carupɔ ajeri boɔɔ Jesu tɔpɔ caejayupɔ. Cɔ tɔ eja, ɔpɔpatua mena tuatu ejacumuri ocɔo bairo cɔ cañupɔ Jesure:

—Yɔ carupɔ ajero boarijere yɔ mɔ canetoogaata mɔ netoo maji.

⁴¹ Jesu cɔ bopacoo tɔjɔɔ cɔ pañari ocɔo bairo cɔ cañupɔ:

—Mɔre yɔ netoogɔ. To cōona mɔ caboarije mɔre yaticoagaro.

⁴² To bairo cɔ cairona cɔ caboabataje nemoona cayati peticoajupe yua. Carupɔ boaquēcɔ cañupɔ yua. ⁴³ Cabero Jesu, caroaro mena aácɔja ïi, cariapɔ cɔ cañ buioyupɔ:

⁴⁴ —Aperãre mɔre yɔ canetoorijere na buioquēja mai. Cariapena aáoacɔja Dio wii macacɔ sacerdote majocɔ tɔpɔ. Aá, mɔ cacami boariquere cayatirijere cɔ ïñoña. Cɔ majuuna tɔjɔɔ, “Yati peticoajupa,” ïgumi. To bairo mɔre cɔ caño bero Diore mɔ canucubogorijere ïnoori waibɔcɔ mɔ cajoe buje mɔgoraure cɔ mɔ joogu sacerdote majocɔre, Moisé cɔ carotiricarore bairona. To bairo mɔ cáto camaja nipetirã majigarãma mɔ cacami yatirijere.

⁴⁵ To bairo Jesu cɔ cañiquere cátiquējupɔ cacami boaricɔ. Átiquēcuna aá, nemoona camaja nipetirãre na cabuio bate peocɔañupɔ. To bairi Jesu camaja capãarã na cãni macaripɔre caeja majiquējupɔ yua. Ti macari tɔjaropɔna cááateñañupɔ Jesu camaja capãarã na camanopɔ. Macaripɔ cɔ cãniquetibato quena camaja capãarã nipetiro macana Jesure cɔ catɔjɔrã ejanucunuparã.

Jesús sana a un paralítico

(Mt. 9.1-8; Lc. 5.17-26)

2 ¹ Capɔe rumɔri bero meena carupɔ ajeri boare cɔ cacatioricaro beroacãna Capernaupɔ catunu aájupɔ Jesu tunu. Topɔ cɔ cāno aperã, “Ti wiipɔ ácumi,” cañ majiñuparã. ² To bairi nemoo camaja capãarã Jesu tɔpɔ caneñañuparã. Capãarã majuu na caneñaro ti wii cajira netocoajupe. To bairi jope tɔpɔ quenare cajiracoajuparã. To bairi cɔ ye quetire na cabuioyupɔ. ³ To bairi cɔ cañ buio ani paɔna Jesu tɔpɔ jīcaɔ cááá majiquēcɔre bapari cãnacãu camɔna cariaure yo nericaró mena cɔ cayo ne ejayuparã. ⁴ Jesu tuacã capãarã majuu camaja na cāno Jesu tɔpɔre cajãa eja majiquējuparã. Jãa eja majiquetibana wii buipɔ wamɔ aá, Jesu cɔ catɔjɔnucuro bui majuu jīca ope cajee weyuparã. Ti operɔ cááá majiquēcɔre cūre na cayo neata yeje menana cayo ruio jooyuparã. ⁵ To bairo cūre na cayo ruio jooro tɔjɔɔ, “Caroaro yure catugooña nucubogorã ãnama,” cañ majiñupɔ Jesu. To bairo ï majiri:

—Yɔ yaɔ, caroorijɔ mɔ cátajere mɔ yɔ majiriobojacõa, cɔ cañupɔ.

⁶ To bairo cūre cɔ caño apirã topɔ caruirã Moisé ãnacɔ cɔ caucariquere cabueri maja ocɔo bairo cañ tɔgooñañuparã: ⁷ “¿Nope ïi ani to bairo cɔ ïti? Diore rooro ïmi. Dio jīcauna ãmi caroorijɔ átajere camajiritio maji,” cañ tɔgooñañuparã. ⁸ Jesu to bairo na cañ tɔgooñarijere tɔjɔ majiri ocɔo bairo na cañupɔ:

—¿Nope ïrã to bairo yure mɔja ï tɔgooñati? ⁹⁻¹⁰ —Cááá majiquēcɔre, “Caroorijɔ mɔ cátajere majiritioɔ yɔ ãa,” cɔ yɔ caño, “Jocuna ïmi,” mɔja ïrã. “Wamɔncasoa aácɔja,” cɔ yɔ cañata cɔ riaye to canetoro

yu catutuarijere mɔja tɔju majigarã. To bairi mɔja catujuro cu riayere yu netoogu. Cu yu canetooro camaja caroorije na cátajere na yu camajiritioboja majirije quenare mɔja tɔju majigarã. “Dio Macu camaja tɔpu cu cajooricu caroorije camaja na cátajere na majiritioboja majimi,” yure mɔja caí majiparore bairo íi, cu yu netoogu, na caíñupu Jesu.

To bairo na íi, cáá majiquẽcure ocõo bairo cu caíñupu:

¹¹—Wamunusaña, mu cuñaricarore tune ne, mu ya wiipu tunu aácɔja, mre yu í, cu caíñupu.

¹²To bairo cõre cu cairona cáá majiquetibatacu sawamu nusañupu. Wamunusa, cu cuñaricarore tune, camaja nipetiro na catujuro cááacoajupu. To bairo cu cabairo camaja nipetiro catuju acuaacoajuparã. Tɔju acuari Diore cu í nucubugorã ocõo bairo caíñuparã:

—To bairije catujuya maninucuwu, caame íñuparã.

Jesús llama a Leví

(Mt. 9.9-13; Lc. 5.27-32)

¹³Jesu cáá majiquẽcure catiori bero, utabucura tujaropu cáájupu tunu. Topu cu cãno camaja capãarã caneñaroyuparã cu tɔpu. Cu tɔpu camaja capãarã na caneñaropo tujuu Dio ye quetire na cabuioyupu. ¹⁴Topu neto aácɔ Leví, Alfeo macure cu catujuyupu. Leví maca gobierno ye cãnipere camaja ye niyeru jeebojari majocu cañupu. To bairi cu capaari aruaru caruiyupu. Jesu tɔpu cu caruiro cu tujuu ocõo bairo cu caíñupu:

—Jítá yu mena.

To bairo cu cairona Leví wamunusa, Jesu mena cááacoajupu. ¹⁵Cabero Jesu Leví mena cu ya wiipu cauga aájupu. Capãarã niyeru gobiernore camaja yere jeebojari maja, caroorije cátinucurã quena cañuparã. To bairo cabairã capãarã Jesu mena cááateñarã cañuparã. To bairi na quena Jesu buerã mena Leví ya wiipu cauga ruiyuparã. ¹⁶To bairo na cabairo catujuyuparã judío majare cabuerã, aperã fariseo maja. Jesu capãarã niyeru gobiernore jeebojari maja, aperã, “Caroorã ãma,” camaja na caí tũgoonã mena cu caugaro tujurã, cu buerãre ocõo bairo na caíñuparã:

—¿Nope íi mɔjaare cabuei gobiernore camaja ye niyeru jeebojari maja mena, caroorijere cátinucurã mena cu bapacuti uganucuti? caíñuparã.

¹⁷Jesu to bairo na caíro apii ocõo bairo na caíñupu:

—Cariaye mana ucoyeri majocure macaquenama. Cariayecuna maca ucoyeri majocure macarãma. To bairona, “Caroarã já ã,” caírãre na átinemoñ acú mee yu cáarú. Caroorã macare caroorije na cátiere jutiriti rotii yu cáarú. Rooro na catũgoonarijere na wajoa rotii acú yu cáarú, na caíñupu Jesu.

Le preguntan a Jesús sobre el ayuno

(Mt. 9.14-17; Lc. 5.33-39)

¹⁸Jica rumu Juan camajare bautisari majocu cu cabuerã, fariseo maja quena ugaqueti Diore cajeni nucubugoyuparã. To bairo cabairã jícaarã Jesu tɔpu aá, ocõo bairo cu caí jeniñañuparã:

—Juan camajare bautisari majocu cu cabuerã ugaquẽnana Diore jeni nucubugonucuma. Fariseo maja na cabuerã quena to bairona átinucuma. ¿Nope írã mu cabuerã maca to bairo na baiquẽti? caí jeniñañuparã.

¹⁹To bairo na caí jeniñaro Jesu maca ocõo bairo na caíñupu:

—Jícau cu sawamo jiari boje rumu cu cáto cu mena macana tũgoonarique paí ugaqueti baiquẽnana. Nipetiro wariñuurãma cu mena

ānaa. ²⁰ Cabero ape rumu aperā aperopu cūre na cañe aápata to cōona tugoñarique pai ugaqueti wariñuquetiborāma, na caññupu Jesu. Cu buerā mena cu cānona na caugaqueti tugoñarique pai majiquētiere na ĩ buioñ na caññupu Jesu.

²¹ Ape wame tunu queti buio majiorica wame na cañ buioyupu. Cu ye queti fariseo maja jāa jocarāna na cañ buiorije mena catugooña ajuquetipe ā, ocōo bairo na cañ buioyupu:

—Camajoco jutiro cawamaro cajaanāna manore woo nequēcomo cabucuro e tuugo. To bairo co cápata cawama rucā rugaboro mija cacojero. To bairo rugari netobujaro wooboro, na caññupu Jesu. ²²—Vino uje oco etirique cawama mija cátiere cabucu poa wecu ajero erica poare mija pio jāa majiquēna. Cabucu poarurena mija capio jāata ti poa woocaboro. To bairi uje oco pio recoaboro yua. To bairi vino cawamare cawama poa mena capio jāpe ā, caññupu Jesu. To bairo ĩi cu ye mena fariseo maja ye mena caajuquetipe ā ĩi, caññupu Jesu.

Los discípulos recogen trigo en el día de descanso

(Mt. 12.1-8; Lc. 6.1-5)

²³ Jīca rumu judío maja na cayerijāri rumu cāno Jesu cu buerā mena trigo wejepu caneto aájupu. Cu buerā ti wejepu neto aāna trigore catune jee ugayuparā. ²⁴ To bairo na cajee uga neto aāto tujurā fariseo maja Jesure cu cañ tutiyuparā:

—¿Nope ĩrā mū buerā yerijārica rumu cānibato quena capaa rotiya maniere na áati?

²⁵ To bairo na cañro ocōo bairo na caynyupu Jesu:

—Tirumupu macacu mani ñicu jāa Upau David ānacu cu mena macana mena ñigo boabana na cátajere mere mija bue tugaricarā. ²⁶ Abiatar cawamecucu sacerdote maja upau cu cāni yūtea cāno David Dio wiipu jāa áti, cajawapu capejarije ugarica rupaare Diore na cajoobatajere jee uga átiri cu mena macana quenare na canuñupu. Sacerdote maja aniquetibana quena tiere caugayuparā. Sacerdote maja jetore na cauga rotirique cānibajupa.

²⁷ Jesu apeye na cañnemoñupu tunu:

—Caroaro mani cānipere yerijārica rumure cacuñupi Dio. Ti rumu maca manire to rotiato ĩi mee cacuñupi. ²⁸ To bairi yu camaja tupu Dio cu cajooricu caroti majii aniri yerijārica rumu cāno cátiye quenare caroti majii yu ā.

El hombre de la mano seca

(Mt. 12.9-14; Lc. 6.6-11)

3 ¹ Cabero Jesu cajāñupu ape wii judío maja na caneñapo buenucuri wiipu tunu. Topu cāñupu jīcañ cawamo rooye tuaricu. ² Aperā fariseo maja topu cāna Jesure catuju coteyuparā, ¿yerijārica rumu cāno cūre cu netouati? ĩrā. Cūre cu canetoata uparāre cu mani wadajāgarā ĩrā to bairo cu catuju coteyuparā. ³ Jesu yua cawamo rooye tuaricure ocōo bairo cu caññupu:

—Aduja yu tu maca, cu caññupu.

⁴ To bairo cu tupa cu cáatō tujun fariseo majare ocōo bairo na caññupu Jesu yua:

—¿Yerijārica rumu cāno cañuurije cátiye to āti? o ¿caroorije macare cátiye to āti que? ¿Camajare na cacatiope to āti? o ¿nare cajiape to āti?

To bairo cū caïro na maca dope bairo caïquējuparā. ⁵ Cūre na cayugaquēto, cūre na caapigaquēto jūtiritiri ocōo bairo cawamo rooye tuaricure cū cañupũ Jesu:

—Mũ wamore ñujoya.

To bairo cū caïro cū wamore cañujoyupũ. Cū cañujorona cañuucoajupe cū wamo yua. ⁶ To bairo Jesu cūre cū canetoo catiooro tujurā fariseo maja cabuticoajuparā. Buti, Herode ya poa macana mena cawadapeni jũgojuparā, ¿dope bairo Jesure cū mani áti rocarāati? Īrā.

Mucha gente a la orilla del lago

⁷⁻¹⁰ Cabero Jesu neñapo buerica wiipũ cānacũ cū buerā mena ũtabucura tujaropũ cāaájupũ yua. Capāarā Galilea yepa macana, Judea yepa macana quena cū cauja aájuparā, capee caroa cū cáti iñoorije queti apirā. Jerusalén maca macana, Idumea macana, Jordán na caïri ya ape ñugoa macana quena, Tiro, Sidón cawamecutie macana Jesu tũpũ caejayuparā camaja capāarā majuu, cū cáti iñoorijere queti apirā. Cū tũpũ caejarāre na cacatioyupũ Jesu cariarāre. Capāarā cū cacatiooro maca nipetirā cariarā cū tuacā jeto caneñapoyuparā, cū pañagarā. Cūre pañari mani netogarā Īrā to bairo cájuparā. Capāarā majuu na cautabijaro tujũũ cū buerāre jica cumua na caquenooyu rotiyupũ Jesu, camaja yũ tuperema, tiapũ jañari na yũ buioyũ ĩi. ¹¹ Cawātia jaña ecorā cū tujurā cū tũpũ rupopatuaripũ catuatu ejacumuñuparā. Ejacumuri,

“¡Dio Macũ majuuña mũ ã!” cū caĩ awajayuparā.

¹² Jesu maca Dio Macũ cū caniere na buio rotiquetiri na cajana rotiyupũ.

Jesús escoje a los doce apóstoles

(Mt. 10.1-4; Lc. 6.12-16)

¹³ Cabero Jesu ñ taupũ wamũ aá, cū buerā cāniparāre cū cabejeparāre na pijo, na cabejeyupũ. ¹⁴ To bairi na cabejeyupũ cū mena cabue teñanucuparāre doce majuu. Na beje, cū ye quetire na cabuio roti joooyupũ. ¹⁵ Cariarāre catio majirique quena, to bairi wātiare cabuu roti majirije quenare na cajooyupũ. ¹⁶ Ato cānacũ na cabejeyupũ: Simón, Pedro cū cawame wajoaricure cū cabejeyupũ. ¹⁷ Jacobo, cū bai Juan Sebedeo punaare na cabejeyupũ Jesu. Boanerges na cawamejeyupũ Jesu, “Bũpo Punaá” ĩrica wame. ¹⁸ Aperā André, Felipe, Bartolomé, Mateo, Tomás, Jacobo Alfeo macũ, Tadeo cāñuparā. To bairi Simón cananista poa macacũ quena cāninemoñupũ na mena. ¹⁹ Judas Iscariote caberopũ Jesure catujũ tutirāre cawadajāpau quenare cū cabejebajupũ Jesu. To cānacāuna cāñuparā Jesu cū cabejericarā, cū ye quetire cabuio teñanucuparā.

Acusan a Jesús de tener el poder del demonio

(Mt. 12.22-32; Lc. 11.14-23; 12.10)

²⁰ Cabero Jesu cū buerā mena cū cāni wiipũ cajāañupũ, na mena ugagu. Topũ cū cāno camaja capāarā caneñapoyuparā. To bairi ti wii cajira netoro cauga majiquējuparā. ²¹ To bairo na cabairo Jesu yarā caqueti apiyuparā. Queti apirā, “Jā yaũ mecũ bairicumi,” ĩ tũgoñari cū capira aájuparā.

²² Aperā Jerusalēpũ cáatána judío majare cabuerā ocōo bairo cañuparā: —Sataná Beelsebú cawamecũcũ, wātia upau cū jāaricumi Jesure. To bairi wātia upau cū catutuarije mena wātiare na buu reimi, cañuparā.

²³ To bairo na caïro apii Jesu na pijo, ocōo bairo na caĩ buio majioñupũ:

—Sataná cū majuurena dope bairo roca buu majiquēcūmi. ²⁴Jīca maja ame quērā na majuuna ame reborāma. ²⁵To bairi jīca wii macana ame tutirā jīca wiina ani majiquetiborāma. ²⁶To bairi Sataná cū majuuna cū carocaata cū majuuna bai yajicoaboumi. Cū yarā mena cū caamequēata cū yarā aniquetiborāma.

²⁷Jīcañ seeto catutuañ caquē ocabūti majii yere emagarā aperā maca cū ya wiipure jāa majiquēnama, cū uwibana. Cū quē netogarā, cū yere emagarā jūgoye cūre jia tu cūborāma, na caññupū Jesu, yū maca Sataná netoro catutuañ majuu yū ā īi.

²⁸—Cariapena mūjaare yū ī. Camaja caroorije na cátie, Diore rooro na cañrije quenare na majiriogumi Dio. ²⁹Dio Espíritu Santore caroorije cañ ūcū maca camajiriobojaya mácu aninucucōagūmi. To cānacā rumuna cabui pacou anicōagūmi, Espíritu Santo macare caroorije cañ ūcū.

³⁰Espíritu Santo cū catutuarije mena Jesu cū cátibato quena, “Cawāti cūgon āmi Jesu, Sataná cū catutuarije mena áami Jesu,” na cañrijere apii to bairo na cañ buioyupū Jesu.

La madre y los hermanos de Jesús

(Mt. 12.46-50; Lc. 8.19-21)

³¹To bairo cū cañri pañ Jesu paco, cū bairā cū camacarā ejayuparā. Jope tūpuna ejanacari jope tū catujñnucurāre Jesure cū capi rotiyuparā.

³²To bairi Jesu tū caruirā:

—Mū paco, mū bairā mū mena wadapenigarā macarū tujñnucuma, cū cañ buioyuparā.

³³Jesu maca ocōo bairo na caññupū:

—¿Noa na āti yū paco, yū bairā āma, yū cañ tūgooñarā majuu? ³⁴Cū tuacā caapi ruirāre na ñu puari:

—Ati maja maca āma yū paco, yū bairā majuu yū catūgoōña tujurā.

³⁵Noa Dio cū caboorijere cátinucurā maca yū bairā, yū bairā romiri, yū pacore bairona yū catūgoōña tujurā āma.

El ejemplo del sembrador

(Mt. 13.1-9; Lc. 8.4-8)

4¹ Cabero Jesu utabucura tujaropū Dio ye quetire camajare na cabuio jūgoyupū tunu. Camaja capāarā majuu caneñapoyuparā. Capāarā majuu na caneñaporo tujññ Jesu cumuarū eja jāa, caejanumu ejayupū. Camaja maca paputiropū caññuparā. ²Topū na cāno capee wameri buio majiorica wameri mena na cabuioyupū. Nare buio majioñ, ocōo bairo na cañ buioyupū:

³—Apiya mūjaa yū cabuioijere: Jīcañ camajocu cū ya wejepure trigo apearāre caote aájupū. ⁴Jīca rupaa cū caoterije ma tūpū cawēñupe. To bairi minia ti rupaare tujū rui atí, cauga recōañuparā. ⁵⁻⁶Ape rupaa ū ta yeparū care cumuñupe cajita manibujaropū. To bairi jita pōreroacā cāno nūcoo joo majiqueti, caputibatato beroacā muipu cū caajiro cajini recoajupe. ⁷Ape rupaa tunu cū cayaye bate oterije pota yucū watoarū care cumuñupe. To bairi caputibata apearire pota yucū maca bucua neto, caputi biacoajupe. To bairi tie carica cutiquējupe. ⁸Ape rupaa care cumuñupe caroa yepa cajita cuti paure. To bairi tie caroaro puti, bucua, caroaro carica cuticoajupe. Jīca rupaari carica cūjupe treinta rupaari. Ape rupaari sesenta rupaari carica cūjupe. Ape rupaari tunu cien rupaari carica cūjupe,

na caĩ buioyupũ Jesu, cumuapũ ruiri petapũ catũjunucurã paarãacãre yua.
 9—Yũ caĩ buiorijere apiri caroaro apiũjaya, caĩñupũ Jesu.

El porqué de los ejemplos

(Mt. 13.10-17; Lc. 8.9-10)

¹⁰ Cabero camaja paarãacã na cãaãto bero cũ mena macana, cũ buerã doce cãna quena cũ caĩ jeniñañuparã:

—¿Dope bairo ĩ buioyũ mũ ĩri mũ caĩ buioejere?

¹¹ To bairo cũre na caĩ jeniñaro ocõo bairo na caĩ buioyupũ Jesu:

—Ûpau cũ cãnie quetire majiou áami Dio mujaare cajugoye camajere cũ camajioquetajere. Aperã yũre caapiũjaquẽna macare buio majiorica wameri mena na yũ buio. ¹² To bairi na maca yũ cátiere tũjũ, yũ cabuioerijere api, baibana quena api puoquẽema. To bairi caroorije na cátiere wajoagaquẽema. “Caroorije jã cátajere jã majiriobojaya,” Diore jeniñquẽema, na caĩñupũ Jesu.

Jesús explica el ejemplo del sembrador

(Mt. 13.18-23; Lc. 8.11-15)

¹³ Apeye na caĩnemoñupũ Jesu tunu:

—¿Mujaare yũ caĩ buio majiobaé wamere muja api puoquẽeti? To roquere tiere muja caapiquẽpata ape wameri yũ cabuio majiorije quenare dope bairo áti muja api puoquetiborã. ¹⁴ Ocõo bairo ã: Oteriquere caotei Dio ye quetire cabuioere bairo ãmi. ¹⁵ To bairi jĩcaarã Dio ye quetire apibana quena api puoquẽema. Satanã na yeripũ atĩ, na caapibatajere ema jee rericarore bairo nare áami, na majiriticõato ĩi. Ma tũ care cumurique minia na caũga reriquere bairona cãna ãma camaja to bairo cabairã. ¹⁶ Aperã camaja ù ta yepa jita põreroacã cãni yepapũ care cumuriquere bairona cabairã ocõo bairo ãma Dio Wadariquere jĩacã caapirã. Nemoopure Dio ye quetire caroaro api wariñuurãma. ¹⁷ Api wariñuubana quena jita põreroacãpũ care cumu putibatajere bairona, canõcori manajere bairona yoaro apiũjaquẽnama. Popiye nare to cãno to cõona janacõarãma. ¹⁸ Aperã camaja oterique aperi pota yucũ watoapũ care cumuriquere bairona ãma. ¹⁹ Dio ye quetire apibana quena ati yepa macaje macare seeto tũgooñanucuma. Capee apeye unie, ati yepa macajere na cacugo wariñuupe boo netorãma. Tiere boo netobana Dio ye queti macare apiũja janacõarãma. To bairi pota yucũ watoapũ care cumurique carica manajere bairona ãma, yũ caboorijere átiquẽnana. ²⁰ Aperã camaja caroa yepa cajita cutopũ care cumuriquere bairona ãma. Dio ye quetire apirã caroaro caapiũjacõa aninucurã ãma. To bairi jĩcaarã Dio ye quetire caapiũjarã treinta aperi carica cutajere bairona ãma. Aperã Dio ye quetire caapiũjarã sesenta, aperi carica cutajere bairona ãma. Aperã caroaro Dio yere caapiũjarã oterica aperi cien aperi carica cutajere bairona ãma yua, na caĩñupũ Jesu.

El ejemplo de la lámpara

(Lc. 8.16-18)

²¹ Ape wame na caĩ buio nemoñupũ Jesu tunu:

—Camaja jĩa bujurarore jĩa bujurã carupa pata ãoropũ o cani cuñaricaro ãoropũ cũquẽnama. Caroaro cabaujari paũ bui maca peorãma nipetiropũ caroaro to ù bujuato ĩrã. ²² To bairi tie cabujurore

bairona yu cabuioirijere noa cajugoye caapi majiquestana api majigarāma. Cajugoyepure caapi majiña manaje to cānibato quena api majigarāma.

²³ Yu caī buioirijere apirā caroaro apijaya, na caīñupū Jesu.

²⁴ Ocōo bairo na caīnemoñupū Jesu:

—Muja caapirijere caroaro tugooña ujaya. Yu ye quetire muja caapi nuscubugoro cōona muja quenare muja caapi majiro átigūmi Dio. Caroaro caapi nuscubugorāre caroaro na átinemo netogūmi Dio. ²⁵ To bairi noa yu cabuioirijere caroaro caapijarāre capee api majiriquere na joogūmi Dio. Apeṛā maca yu cabuioirijere caapijagaquēna yu yere na caapi majibatajeacā quenare na catugooña mawijiaro átigūmi Dio.

El ejemplo de la semilla que crece

²⁶ Ī yaparou, apeye na caī buioyupū Jesu tunu:

—Uṛau Dio cū cānie queti buiorique jīcau camajocu yeparu cū caoterijere bairona ā. ²⁷ Ote yaparo tujū ūjaquēcūna aácoacūmi. Cabero to cānacā ñami canirique cuti, to cānacā rūmū anicōa, to bairo cū cabaitoye cū caoterique puticoato. Dope bairo putiro ĩ majiquēcūmi.

²⁸ Puti, yoaro mee pūu butiro. Buti yaparo carupa cape jeeñaro. Carupa cape jeeñari bero carica butiro. Tie bucua, carupa rupaa jeeñaro yua.

²⁹ Ti rupaa cajūaro tujūu tiere caotericu jeimi, to cōona bucua yaparo ĩi. Dio cū cānie queti buiorique tie oteriquere bairona bai, caīñupū Jesu, Diore caapijarāre caricare jeericarore bairona na jee neogūmi Dio caberopure ĩi, caī buioyupū Jesu.

El ejemplo de la semilla de mostaza

(Mt. 13.31-32; Lc. 13.18-19)

³⁰ To bairo ĩ yaparo ocōo bairo caī buionemoñupū Jesu:

—Uṛau Dio cū cānie quetire ĩdope bairo maca mani ĩ buio majiobocuti?

³¹ Ocōo bairo ā: Jīcau camajocu mostasa apeacāre oteimi cū ya wejepū. Tie ape ōqueacā majuu ā, oterique aperi nipetiri wame rugarijeacā. ³² Ōca aperiacā anibato quena bucuatorū apeye oterica yucū netoro ūmūari yucū aápá. Paca majuu rūrūricuti. To bairi minia atí, tii rūrūripū na batirire peoma. To bairona ā Uṛau Dio cū cānie queti. Apeye netoro cāni majuuri wame ā.

³³ Capee wame queti buio majiorica wameri mena camajare na caī buioyupū Jesu. Na caapi majiro cōona na caī buioyupū. ³⁴ Camajare buei buio majiorica wame manona na caī buioquetinucūñupū Jesu. Cū buerā jetore, ocōo bairo ĩgaro ĩi, na ĩ majiatio ĩi cariapena na caī buionucūñupū aperā na caapiquētopū.

Jesús calma el viento y las olas

(Mt. 8.23-27; Lc. 8.22-25)

³⁵ Jesu oterique mena camajare cū cabuio majiorica rūmū canaiori pau cāno Jesu caīñupū cū buerāre:

—Jitá, ūtabucura ĩ nugoapū mani peña aáparo, caīñupū.

³⁶ To bairi Jesu camaja paarāacāre, “Aácū yu áa,” nare cū caī yaparoro cū cajugo peña aájupará cū buerā cū cajaanari cumua menana. Na capeña aáto tujurā, aperā quena na ye cumuari mena capeña aájupará, Jesure ūja peña aána. ³⁷ Ti ra recomaca na catuja peña aáto seeto majuu wino caparu ajupe. Wino seeto capapuro seeto majuu ti ra canacuañupe. Seeto

majuu nacuabato cumuare pairo majuu caoco pa jãañupe. To bairi cumua ruacoato cabaibajupe yua. ³⁸To bairo to cabaibato quena Jesu maca cumua caujaro maca caabari ajero mena ãoturi cacanicõa jañañupũ. To bairi cumua caruagaro tujurã Jesure cu cayopioyuparã.

—iJesu, jã Æpau, yopiya! ¿Mu tujubapari? iRua yajicoa aána mani bai! cu caññuparã.

³⁹To bairo cu na cañro apii Jesu wamũnca, winore, cajaberijere cajana rotiyupũ.

—iTo cõona janatoja! caññupũ.

To bairo cu cañrona wino, cajaberije nipetiro cajana peticoajupe.

⁴⁰—¿Nope írã yũ mena aábana quena yũre catugooña nũcũbugoquẽnare bairona to cõo mĩa uwiri? caññupũ Jesu cu buerãre.

⁴¹Na maca to bairo nemoo cajanaro tujurã catũju acũacoajuparã:

—iAbũma! Seeto majuu camajii ãcũmi. Wino, cajaberije quena cu carotiro caroaro apicõa, caame ññuparã.

El hombre endemoniado de Gadara

(Mt. 8.28-34; Lc. 8.26-39)

5 ¹Jesu winore cajaberijere cu janaorico bero cu buerã mena Galilea cawamecuti ra utabũcũra peña, Gadara cawame cutopũ capeña ejayuparã. ²Topũ peña ejari Jesu cumuapũre cajaanaricu camaa nũcañupũ. Cu camaa nũcarona camajocu cu yeripũ cawãti jaña ecooricũ ñ ta tua pũto camaja cariaricarãre na cayaarica totiripũ cajaanaruricu cabuti ajupũ. Topũ cãnacũ buti atí, Jesure cabocayupũ. ³⁻⁴Ti operipũ jeto cãninucũñupũ. Come wẽri mena na cajia cũbato quena catũga tãcoã átinucũñupũ. To bairi dope áti cajia cũ majiña mañupũ. Capee niri come wẽri mena cu rũpori, cu wamori cu cajia cũnucubajuparã. To cãnacã ni na cajia cũro catũga jure renucũñupũ. Jicaũ macana cu cáti neto majiquẽjuparã. ⁵Æmũrecori, ñamiri quenare ñ ta yucũ buiripũ, camaja na cayaaricaroripũre caawaja mecũ teñanucũñupũ. Áti mecũbacũ ñ ta rupaa mena cu majuuna cacamiyenucũñupũ. ⁶To bairi Jesure cu tujũjo, cu tũpũ atí, cu tũna caejacumũñupũ. ⁷Seeto awajarique mena ocõo bairo cu caññupũ Jesure:

—iJesu! Æmũrecoo macacũ Dio Macũ ¿nope ñi yũre mu patowãcoũ atíti? Dio cu catujurona mure yũ jeni. Rooro yũ catamũoro yũre átiqeticõaña.

⁸Jesu wãti cũpũre cajaanare cu cabuti rotirona to bairona cañ awajayupũ. To bairo cu cañ awajaro apii ocõo bairo cu caññupũ Jesu:

—iWãti, ani camajocũpũre cajaanã, to cõona buti aãcũja!

⁹To bairo ñri bero Jesu cu cañ jeniñañupũ:

—¿Ñamũ mu wamecuti?

—Legiõn yũ wamecũ, caññupũ. —Capãarã majuu wãtia jã ã ñi, to bairo yũ wamecuti, caññupũ. ¹⁰—iAperopũ cayoaropũ jãre joo reqeticõaña!

Wãtia na cañ jeni rotiro to bairona cañ awajayupũ. ¹¹To bairo cabairi paũ na jugoye maca buuropũre capãarã nuricarã yejea caũga tujũnucũñuparã.

¹²Nare tujurã wãtia ocõo bairo caññuparã Jesure:

—I maja yejeapũre jã jãa rotiya, caññuparã.

¹³To bairo na cañ jeniñaro:

—To bairona baiya. Yejeapũrena jãaña, na caññupũ Jesu.

To bairi camajocũpũre cãnana buti aá, yejeapũre cajãañuparã. Topũre yejea pũga mil cõo majuu caññuparã. Yejeapũre wãtia na cajãarona carupa tũarũ atũ mecũ ro aá, ti rapũ care ñua peticoajuparã yua.

¹⁴To bairo na cabairo tujurã yejeare cacotebatana seeto catuju acuacoajuparã. Tujju acua, macaru caatu ruticoajuparã. Topu atu ruti ejari maca macanare, maca tujarori macana quenare na cabuio bateyuparã nipetiro cabairiquere na catujurique cõo. To bairo na caĩ buioro apirã camaja topure catujurã aájuparã, ¿dope bairo to baiyupari? ĩ majigarã.

¹⁵Jesu tũpu ejarã cawãtia cugobatacure caroaro caruiire cu catujuyuparã. Cajuti maninucubatacu juti jaña, caroaro catugooña maja catí, caruiyupu. To bairo cu cabairo catuju acuacoajuparã. ¹⁶To bairi Jesu camajocũpũre cãnanare wãtiare cu cabuu roero catujuricarã nipetiro na catujuriquere na cabuioyuparã catujura ejarãre. To bairi yejea na cabairiquere quenare na caĩ buioyuparã. ¹⁷To bairo na caĩ buiorijere apirã Jesure:

—ĪAperopũ aácũja! ĪJã ya paũpu aniqueticõaña! seeto cu caĩñuparã.

¹⁸To bairo na caĩro apii Jesu cumuapure caeja jãañupu, tunu aãgu. Cu caeja jãaro tujũu cawãtia cutibatacu ocõo bairo caĩñupu Jesure:

—Yũ quena mũ mena yũ aãgu, seeto cajenibajupũ Jesure.

¹⁹Jesu, “Jau, jítã,” cu ĩquẽcũna ocõo bairo maca cu caĩñupu:

—Mũ yarã tũpu maca tunu aácũja. Caroaro Dio mũre bopaca tujuri mũre cu cátielere mũ yarãre na buio peocõaña, cu caĩñupu Jesu.

²⁰To bairo Jesu cu caĩro cáaácoajupu. Aá, ti yepa Decápoli cawamecuti macari macana nipetirore cabuio jũgoyupu Jesu cũre cu canetooriquere yua. Nipetirã to bairo cu caĩ buioro apirã caapi acuacoajuparã.

La hija de Jairo, y la mujer que tocó la ropa de Jesús

(Mt. 9.18-26; Lc. 8.40-56)

²¹Cabero utabũcũra ape ñũgoaru capeña aájupu Jesu tunu. Peña ejari bero utabũcũra tujaro cu catujũncuro capãarã caneñapoyuparã cu tũpũre.

²²To bairo na cabairo jĩcau Jairo cawamecũcu ñeñapo buerica wii urau caejayupu. Eja, Jesure cu tujũu rũropatua mena tuatu ejacumuri ocõo bairo seeto cu bopacoo tujũ rotiri cu caĩ jeniñupu:

²³—Yũ macoacã bai yaji aáco baimo. Cõre ñiga peoñau ajá. Cõre mũ cañiga peoro catigomo, caĩñupu.

²⁴To bairo cu caĩro apii Jairo mena cáaácoajupu Jesu. Cu cáaáto camaja capãarã majuu cũre caũja aájuparã. Capãarã majuu aáti seeto majuu cautabija nutuajuparã. ²⁵Na paarãacã watoaru jĩcao ámo janaquetajere cariyecũco Jesu jõcu bero caejayupo. Doce cumari majuu tiere cariyecũco cañupo.

²⁶Cõre capãarã ñcoyeri maja cõre na saũcoyebato quena to bairona capoye tãmõnuciscõañupo. Co niyeru co sacũgobataje quenare cõre na saũcoyero warayebaco sawapaye peocõañupo. To bairo co cátibato quena co cariyae cutie canetoqueti majucõañupe. Seetobũjare rooro majuu caria nutuajupo.

²⁷⁻²⁸To bairi Jesu camajare cu cariyae netoonucurijere caqueti apiyupo. Tiere queti apiri camaja watoaru Jesu bero atí, cu jutirore capañañupo, cu jutiro jetore pañari yũ catigo, ĩ tũgooña. ²⁹Cũ jutirore co capañarona co cariyae cutibataje cajanacoajupe. To bairi, “Mere yũre janacoapa yũ cariyae cutie,” caĩ tũgooña majiñupo. ³⁰To bairi nemoona Jesu, “Yũ camajirije mena jĩcao co cariyae cutiere yũ netoowũ,” caĩ tũgooña majiñupu. To bairo ĩ tũgooña majiri camajare amojore tujũu na cajeniñañupu:

—¿Noa yũ jutirore na pañari? na caĩ jeniñañupu.

³¹To bairo cu caĩro apirã cu buerã ocõo bairo caĩ yuyuparã:

—Camaja capãarã majuu utabijaro mũre na caroca tuabato quena: “¿Noa yũre na pañari?” ¿mũ ĩ jeniñati?

³²To bairo na caĩbato quena, noa yu jutirore na pañañupari ñi, nipetirore catuju macañupũ. ³³To bairo cu catuju macarona seeto nanaa uwio cu tũru caejacumucoajuro. “Mere yu cariaye cutiere yu netoocõawĩ,” ñi majiri cariape, “Yũna mre yu pañawũ,” Jesure cu caĩ cabuioyuro. ³⁴To bairo co caĩro:

—Yu yao, caroaro yure mu catũgoõña nũcũbugoro mu cariaye cutiere yu netoowũ. Caroaro cariaye máco wariñuurique mena anicõaña yua, co caĩñupũ Jesu.

³⁵Jesu cõre to bairo cu caĩri paña Jairo ya wii macana na tũrũre caejayuparã Jesu cu cãnorũre. Eja, cawimao pacũ Jairore ocõo bairo cu caĩñuparã:

—Mu macoacã bai yajicoamo mere, cu caĩñuparã. —To bairi mani Uraũ manire cabueire to cõona cu patowãcoonemoqueticõaña, cu caĩñuparã.

³⁶Jesu maca to bairo na caĩrijere apii neñapo buerica wii uraũre ocõo bairo caĩñupũ:

—Acuaqueticõaña. Acuaquẽcũna yu macare tũgoõña nũcũbugoya, cu caĩñupũ Jesu.

³⁷To bairo Jairore cu ñi, Pedore, Jacobore, Jacobo bai Juan na jetore na capi aájupũ Jairo ya wiipũ aácu. Aperã macare cauja aá rotiquẽjupũ. ³⁸To bairi neñapo buerica wii uraũ Jairo ya wiipũ caejayuparã. Torũ ejaũ camaja capãarã seeto caoti awajarãre catujuyupũ Jesu. ³⁹Ti wiipũ jãa ácu na caĩñupũ:

—¿Nope ñrã to cõo muja awaja otiti? Cawimao cayajirico me ãmo. Canio áamo, caĩwĩ Jesu.

Mere cabai yajirico co cãnbato quena na caĩñupũ, tunu catigomo cani yopiricarore bairona ñi, na caĩñupũ Jesu.

⁴⁰To bairo cu caĩro apirã cu caĩ epeyuparã, mere bai yajicoamo ñrã. To bairo cu na caapi nũcũbugoquẽtie to cãnbato quena Jesu aperãre na buti rotiri cawimao pacũre, co pacore, cu buerã itiarãre co capejari aruarũ na capi jãajupũ. ⁴¹Ti aruarũ jãa ejari co wamoru ñeri, cu ye arameo mena cabai yajiricore caĩñupũ:

—Talita, cumi. To bairo ñi, “Cawimao, wamũnũcaña,” ñi caĩñupũ.

⁴²To bairo cu caĩrona cawimao doce cũmari casũgoo wamũnũca, cãaa maji jũgoyuro. Cabai yajirico anibaco quena co catunu catiro camaja torũ cãna catuju acua netocoajuparã. ⁴³Jesu, —To bairo yu cátiere aperãre na buioqueticõaña, caĩñupũ. Ñi yaparo —Cawimaore ugarique co nuña yua, caĩñupũ.

Jesús en Nazaret

(Mt. 13.53-58; Lc. 4.16-30)

6 ¹Jesu Capernaupũ cãnacũ cu ya macaru catunu aájupũ. Cũ buerã quena cu mena cãaájuparã. ²To bairi judío maja na cayerijãri rũmũ cãno Jesu na caneñapo bueri wiipũ Dio ye quetire na cabuio jũgoyupũ. Camaja capãarã cu cabuiorijere apirã caapi acuaocajuparã. Api acuari ocõo bairo caame ññuparã:

—¿Nooru atie cu cabuio majirijere cu camajiñupari? ¿Dope bairo majuu to bairije cáti majiña maniere cu cáti majiñupari? ³Atona cãninucuesũna ãmi. Yucũ paĩrĩre capaanucuesũ, María macũna ãmi. Jacobo, José, Juda, Simón na jũgocũna ãmi. Cũ bairã romiri quena mani tũna aninucuma, caame ññuparã.

To bairo ĩ tũgooñarã cũ caapi nũcũbũgogaquẽjuparã. ⁴To bairo cũre na canũcũbũgogaquẽto tũjũũ ocõo bairo na caĩñupũ Jesu:

—Jĩcaũ Dio ye quetire buiori majocũ ũcũ aperorũ cũ cabuio teñaro to macana cũ apĩ nũcũbũgorãma. Cũ ya maca macana maca, cũ yarã majuu, cũ ya wii macana jeto cũ nũcũbũgoquẽnama, caĩñupũ Jesu.

⁵⁻⁶To bairi topũ cũ cabũcũarica macarũ capee cáti majiña mani wame cáti ĩñooguẽjupũ, cũre na caapi nũcũbũgoquẽto tũgooñarique paibacu. Jĩcaarãacã jetore cariarãre na ñiga peori na canetoo catioyupũ baii pũa. Cabero to tuacã cãni macaripũ cũ ye quetire cabuio teñanucũñupũ.

Jesús manda a los discípulos a predicar

(Mt. 10.5-15; Lc. 9.1-6)

⁷Cabero Jesu cũ buerã doce cãnacãure cũ tupũ neori pũgarãri jeto cũ ye quetire na cabuio teña roti jũgooyupũ. To bairi camaja na yeripũ cawãtia jañarãre na cabuu reboja majipe quenare na cajooyupũ. ⁸Apeye unie na cacũgorijere na cajee aã rotiquẽjupũ. Wajopoa uno, ũgarique, niyeru quenare na cajee aã rotiquẽjupũ. Tuericũ jetore na cane aã rotiyupũ. ⁹Rẽpo jutii na cacũtarije jeto, na jutii na cajaanarije jeto menare na cajooyupũ. Na cawajoa jañape macare na cajee aã rotiquẽjupũ. ¹⁰Ocõo bairo na caĩñupũ:

—Caroaro mujaare cãni rotii ũcũ ya wiipũ jãa ejarã ti wiipũna anicõaña ti macarũ muja cãni rumũri cõo. ¹¹Noo mujaare aperã na cabooquẽto, Dio ye quetire muja cabuio na caapigaquẽto topũ muja buti weogarã. Buti aãna muja rũporipũre jita catujarijere pa bate reya. To bairo ána, mujaare jã cabuio muja caapigaquẽtore bairona muja booquẽemi Dio, na ĩ ĩnoorã muja átigarã. Cariapena mujaare yũ ĩ. Dio camajare cũ cabejepa rumũ cãno ti maca macanare mujaare cabooquetanare seeto na popiyeyegumi. Sodoma, Gomora macana tirũmũpũ macanare cũ capopiyeyericaro netoro na popiyeyegumi Dio, caĩñupũ Jesu.

¹²To bairo cũ caĩro bero cãaãcoajuparã yua. Aã, camajare, “Caroorijere muja cátinucurijere tũgooña jũtiriti wajoaya,” caĩ buio teñanucũñuparã.

¹³To bairi capãarã camajare na yeripũ cawãtia jañarã quenare care buubojayuparã, Dio cũ catutuarije mena. Capãarã cariyacũna quenare ũje mena wareri na canetoo cationucũñuparã.

La muerte de Juan el Bautista

(Mt. 14.1-12; Lc. 9.7-9)

¹⁴To bairi camaja nipetirã Jesu cariarãre canetoo catiorijere caqueti apiyuparã. To bairi ĩpũ Herode quena caqueti apiyupũ. Tiere queti apiri ocõo bairo caĩñupũ:

—Juan camajare bautisari majocũ na carũpoa pa ta rocaricũpũ anibacu quena tunu catiricũmi. Catunu catiricũ aniri capee majuu áti ĩnoo netonucũmi, caĩñuparã jĩcaarã.

¹⁵Aperã maca ocõo bairo caĩñuparã:

—Aniquẽcũmi. Tirũmũpũ macacũpũ Dio ye queti buiori majocũ Elías cãñiñaricũ tunu catiricũmi, caĩñuparã.

Aperã maca:

—Cũ quena tirũmũpũ macana Dio ye quetire buiori majare bairona cabaii ãcũmi, caĩñuparã.

¹⁶To bairo na caĩro apii Herode maca ocõo bairo caĩñupũ:

—Tirũmũpũ yũ carũpoa pa ta roca rotiricũna ãcũmi. Juan bautisari majocũna tunu catiricũmi, caĩnucũbãñupũ Herode.

¹⁷Herode to jügoyeru Herodía cawamecucu jügori Juäre presoru cu cañe aá rotiyupu. Co Herodía cu bai Felipe cawamecucu numo cañupo. To bairo co cânibato quena Herode maca co caneñuru. To bairo cu cáto tujari Juan bautisari majocu Herodere ocõo bairo cu caññupu:

¹⁸—Mu bai numore numo cutiqueticõaña. To bairi mu cátie ñuquëe, caññupu.

¹⁹To bairo cu cañnucurije wapa Herodía Juäre seeto tujü punijiniri Herodere, “Mu polisíare cu jía rotiya Juäre,” caibajupo. To bairo íbaco quena dope bairo cáti majiquëjupo. ²⁰Herode maca Juäre, “Caññu ãmi, caroorije mácu ãmi,” caí tugoõña núcubugoyupu. To bairo í tugoõña núcubugori Juäre rooro na cáti rotiquëjupu. Juan cu cabuorijere api acuari, “¿Dope bairo ígu cu íti?” caí tugoõñañupu. To bairo í tugoõñabacu quena caroaro cu caapiganuciuñupu. ²¹Cabero Herode cu cabuiarica rumu cãno boje rumu caquenoõñupu. Boje rumu quenoo, cu mena macana cu ëoro carotirá, cu yarã polisía maja uparãre, aperã Galilea yepa macana cãni majuurã quenare na capi neoñupu, yu boje rumu tujurã ajá íi. To bairo cabairi pañ Herodía Juäre co cajía rotipere catugoõña bugayupo. ²²To bairi Herode cu capi neoricarã nipetirore na cajugo ugayupu. Na caugari pañ Herodía maco jãa ejari na cabaja iñoõñupo. Co cabaja iñoorijere Herode jãa aperã cu mena caruirã seeto majuu catujü wariñuñuparã. Tere tujü wariñuuri Herode ocõo bairo co caññupu Herodía macore:

—Noo mu caboorije, yure mu cajenigari wamere mu yu joogu.

²³To bairi cu capiricarã na caapiropu:

—Ítoricaró mano íi mu yu í, to bairi yu carotiri yepa quenare mu cajeniata carecomaca mena mu yu joo maji, co caññupu. ²⁴To bairo cu caïro apio, co paco tupa aá, cõre cajeniñañupo:

—¿Ñee unie macare cãre yu jenioati? caññupo. To bairo co caïro apio ocõo bairo co caññupo co paco maca:

—Juan bautisari majocu rupoare pa ta neri na ne aparo, cu í jeniya, caññupo.

²⁵To bairo co caïro nemoona Herode tupa jãa ejari ocõo bairo cu caññupo:

—Yucnacã yoaro mee Juan bautisari majocu rupoare pa tari jotü bapa mena ne jãri yure na joato, caññupo.

²⁶To bairo co caïro apii Upañ Herode seeto majuu catugoõña jutiritiyupu. Nipetirá topu caneñaporã na caapiro, “Mu caboori wame yu mu cajeniata mu yu joogu,” caññupu aniri dope bairo caito majiquëjupu. ²⁷To bairi, “Yu jooquëe,” caññupu majiquëjupu. To bairi nemoona Upañ Herode cu polisíare Juan rupoare capa ta neatí rotiyupu. ²⁸To bairi polisía preso wiipu aá, Juan rupoare pa ta, jotü baparu ne jã atíri Herodía macore co cajooyupu. Cõre cu cajooro co maca co pacore cajoo netoñupo yua.

²⁹Juäre to bairo na cáti rocariquere queti apiri cu cabuorijere caapiñjanucuricarã atí, cu rupañ ãnatore ne aá, cu cayaa rocyuparã.

Jesús da de comer a cinco mil hombres

(Mt. 14.13-21; Lc. 9.10-17; Jn. 6.1-14)

³⁰Cabero Jesu cu cabuio teña rotiricarã tunu ejarã nipetiro na cátajere, na cabuio teñarique quenare cu cabuioyuparã. ³¹Na cabuio yaparoro Jesu nare:

—Jitá, petoacá mani yerijāgarā camaja na camanopu, caññupu.

Camaja capāarā na tūpure nairo majuu na caejaro dope bairo cáti uga majiquējuparā. ³²To bairi Jesu cu buerā mena na jeto cumua mena eja jāa, camaja manopu cáaaçoajuparā. ³³Camaja capāarā topu na cáaaço catujuyuparā. To bairi Jesure tujū majiri cu cáaaçtopu macaa macana cāno cōo mapu nipetiro caatu jūgocoajuparā, na capeña ejaropure aana.

³⁴To bairi Jesu topu roca tu, ma eja, na paarāacāre catujuyupu. Na tujuri na cabopaca tujuyupu, oveja nuricarā nare cacotei manare bairona cāna na cāno maca. To bairi capee wameri na cañ buio jūgoyupu. ³⁵To bairi ñamicaa cāno cu buerā cu tūpu aāti ocōo bairo cu caññuparā:

—Naio aáto bai. Atopure maca maa. ³⁶To bairi camajare to cōona na tunu aá rotiya. Topu tunu aāti macaripu na wapaye ugara aáparo.

³⁷To bairo na cañro apii Jesu na caññupu cu buerāre:

—Mujjaana ugarique na nuña.

To bairo cu cañro na maca cu caññuparā:

—¿Pairo, dosciento rumuri wapataricaró cōo mena pan rupaarire jā wapayera aánaati, nare nugarā? caññuparā. ³⁸To bairo na cañro:

—Tujññaja. ¿Mujja noo cānacá pan rupaari muja cugoti? cañ jeniññupu Jesu.

To bairo cu cañro tujuri bero cu cabuioyuparā:

—Jica wamo cānacá rupaa ā. To bairi wai quena pugarā āma, cu caññuparā.

³⁹To bairo na cañro apii camaja na cāno cōo ricati poari jeto caroa ta yepa cānopu na carui rotiyupu Jesu. ⁴⁰To bairi jica poarire cien majuu camaja caruiyuparā. Ape poarire cincuenta majuu camaja caruiyuparā.

⁴¹To bairi Jesu pan rupaarire, na wai pugarāre neri jō bui maca tujū mūgori Dio cu Pacure cañ wariñuu nucubugoyupu. To bairo ī yaparo pan rupaarire pe muto, cu buerā na cajooyupu, camajare na bate rotii. Wai quenare to bairona pe muto, na cabate rotiyupu. ⁴²To bairo cu cátiere camaja nipetiro cauga yapicoajuparā. ⁴³Na cauga yapi rugarije doce piiri jiraro majuu cajee neoñuparā. ⁴⁴Tiere caugaricarā cinco mil majuu caññuparā caumua jeto ānaa. Cāromia, cawimarā cacōñaquējuparā.

Jesús camina sobre el agua

(Mt. 14.22-27; Jn. 6.16-21)

⁴⁵Jesu camajare ugarique na nuri bero cu buerāre:

—Cumuafe peña jugoya. Ī nūgoa Betsaidapu muja ani yuuwa camajare yu cáataje uitoye, na caññupu. ⁴⁶To bairo cu buerāre ĩi, camaja paarāacāre na aátaje ui yaparo ũ taupu cawamu aájupu, Diore cu ĩ jeni nucubugou aácu. ⁴⁷Canaiori pau bero Jesu buerā cumua mena utabucura recomacapu capajayuparā. Jesu maca jō boeru jicauna cānicōañupu.

⁴⁸Seeto wino capapuro popiye catamñoñuparā, apero maca capapu jooari cariape maca we aágarā. To bairi Jesu cumuafe na cawe eja atí majiqueto catujuyupu. To bairi cabujuparo jūgoye na tūpu aácu oco buina cáaaçoajupu. Nare neto aácu cabaibajupu. ⁴⁹To bairo oco bui cu cáatí nutuato tujurā, cabai yajiricu wāti ácumí ĩrā catuju acua awajayuparā.

⁵⁰Na nipetiro cu catuju acua awajayuparā. To bairo na cañ awajaro apii Jesu nemoona ocōo bairo na caññupu:

—Uwiqueticōaña. Yuna yu ā, muja urauna. Tūgoña uwi acuaqueticōaña, na caññupu.

⁵¹To bairo na ĩri bero na mena cumuapũre caeja jãañupũ. Cũ caeja jãari pauna wino capapu janacoajupe. Wino capapu janaro tũjurã seeto catũju acũacoajuparã. ⁵²Cajũgoye pan rupaarire Jesu cũ cáti bũoriqũere catũjuricarã anibana quena cũ cáti maji netorijere catũgoõña majiquẽjuparã. Na yeri mena catũgoõña puoquẽjuparã.

Jesús sana a los enfermos en Genesaret

(Mt. 14.34-36)

⁵³To bairo bairi bero peña, Genesaret cawamecutopũ capeña ejayuparã. Topũ ejarã na cumuare jia tu poo, camaa nũcañuparã. ⁵⁴Topũ na camaa nũcari paũ to macana nemoona Jesure catũju majiñuparã. ⁵⁵To bairi nipetiropũ atũ aá, ti yepa macana cariaye cũnare na cajee atĩ rotiyuparã. To bairo na caĩro apirã cariaye cũnare na cacũnarije mena, “Topũ ãmi Jesu,” camaja na caĩropũ na cajee ejayuparã. ⁵⁶To bairi Jesu noo cũ cãnopũ macaripũ, macari tũjaropũ cariaye cũnare jee atĩ, macari recomacapu na cũri, Jesure ocõo bairo cũ caĩ jeninucũñuparã:
—Mũ jutiro yapa jetore jã pañagarã. To bairo átiri jã netogarã, cũ caĩñuparã.

To bairi cũ jutiro yapare capañaricarã caneto petiyuparã na cariaye cutiere yua.

Lo que hace impuro al hombre

(Mt. 15.1-20)

7 ¹Cabero fariseo maja aperã judío majare cabuerã jĩcaarã Jerusalẽpu cãnana Jesu tũpũ cáajuparã. ²Jesu buerãre jĩcaarã wamo cojequẽnana na caũgaro catũjũyuparã fariseo maja. “Ugagarã jũgoye manire bairo wamo cojequẽema Jesu buerã. To bairi caroorã ãnama,” na caĩ tũjũyuparã fariseo maja Jesu buerãre. ³Fariseo maja, judío maja nipetirã quena na ñicu jãa na cáti jugo atãjere bairona cáti ujayuparã. To bairi caroaro na wamorire cojeri bero jeto caũganucũñuparã. ⁴Na caũgarique nuniri paũpũ cawapayera aátana tunu ejarã quena to bairona na wamorire cacojenucũñuparã. Na ñicua na cátinucurique cõo cátinucũñuparã. To bairona etirica baparire na capio jãnucuri ruri quenare, na come ruri quenare cacojenucũñuparã. To bairo mani cátiquẽpata Dio, “Caroorã ãma,” mani ĩ tũjubõwmi ĩrã, to bairo cátinucũñuparã ti wamere yua. ⁵To bairi Jesu buerã na cawamo cojequẽto tũjurã Jesure cũ caĩ jeniñañuparã fariseo maja, judío majare cabuerã:

—¿Nope ĩrã mani ñicua na cátinucuriquere na átiquẽeti? Na wamorire cojequẽnana ugarã rooro ána áama, caĩñuparã.

⁶To bairo na caĩro ocõo bairo na caĩñupũ Jesu:

—Cariapena caĩ ucayupi Isaía tirũmũpũ macacu Dio ye quetire buiori majocu mũja cabaipere. Ocõo bairo caĩ ucayupi:

Ati maja, “Diore camairã jã ã,” ĩbana quena na yeripũ yũ tũgoõña nũcubũgoquẽema.

⁷To bairi jocarãna, “Diore cáti nũcubũgorã jã ã,” ĩnucuma. Na majuuna na catũgoõñari wamere, “Atie Dio cũ carotirique ã,” ĩbana na ya wame macare áti nũcubũgonucuma, caĩ ucayupi Isaía.

⁸Dio cũ caroti majuurijere mũja átiquetinucu, camaja na cátinucurije macare cáti ujarã aniri. To bairi etirica bapare cojerique, ape ruri cojerique jetore mũja tũgoõñanucu. Capee wame mũja ñicu jãa na cáti jugo atãjere mũja tũgoõñanucu, Dio cũ caroti majuurijere tũgoõñaquẽnana.

⁹Tie macare m̄ja recōanucu, m̄ja ñicu jāa na cāti jugo atáje jetore átigarā, na cañemoñup̄ Jesu. ¹⁰—Ocōo bairo caí ucayupi Moisé: “M̄ja pacuare na ñucubugoya. Rooro na pacuare caírā unare na caji repe ā.”

¹¹M̄ja maca ti wamere m̄ja bai netoonucu, ocōo bairo m̄ja pacuare na ĩri: “Atie ñyerure m̄jaare yu joo majiquēe,” m̄ja pacuare jocarāna na m̄ja ĩ. “Dio ye cānipe ā, cūre yu cajoore. To bairi m̄jaare yu átinemo majiquēe,” m̄ja pacuare jocarāna na m̄ja ĩ. ¹²⁻¹³M̄ja majuuna m̄ja ye ñyerure maibana to bairo na m̄ja ĩtonucu. To bairi nare átinemogaquetiri nare canucubugoquēna m̄ja ā. To bairo ĩ tūgoñabana Dio cu carotirica wamere m̄ja bai netoonucu. “M̄ja pacuare na ñucubugoya,” Dio cu carotirica wamere m̄ja bai netoonucu, na átinemoquēnana. To bairije m̄ja ñicu jāa na cāti jugo atáje capee wame m̄ja átinucu.

¹⁴To bairo na ĩ yaparo camajare na pijo, ocōo bairo na caí buioyup̄ Jesu: —Caroaro yu apiya, yu cabuorijere majigarā. ¹⁵Camaja na majuuna roorije na yerip̄ na catūgoñarije jugori caroorā āma. Na caugarije jugori mee caroorā āma. ¹⁶Noa yure caapirā yu caí buorijere caroaro apiujaya.

¹⁷Ī yaparo camaja capārā watoap̄ cānac̄u na cāááweoyup̄ Jesu. Aá, cu buerā mena wiip̄ cajāacoajup̄. Wiip̄ cu cajāaro bero, cu buerā ti wame cōorique mena cu cabuoriquere cu caí jeniñañuparā. ¹⁸To bairo cūre na caí jeniñaro:

—¿M̄ja quena tiere m̄ja api puoquēeti? na cañup̄. —Camaja na ũgarique unie jugori rooye tuaquetinucuma. ¹⁹Na caugarije na yerip̄ jañaquēe. Na caugari wame cōo parop̄ eja, to cōona yajicoapa.

To bairo ĩ, nipetiro ũgarique caroa jeto ā ĩi, to bairo cañup̄ Jesu.

²⁰Apeye na cañemoñup̄ Jesu tunu:

—Camaja na majuuna caroorije na cātie na rooye tuu. ²¹⁻²²Camaja na yerip̄ caroorije na catūgoñari wame cōo caroorije átinucuma. Ato cānacā wame majuu na cátinucurije ā: Áti epericarā cutaje, jee rutirique, aperāre j̄arique, aperi ñumore eperico cutaje, aperi na cacūgorijere tuj̄ ũgorique, aperi rooro átaje, ĩtorique, aperi wada pairique, mani majuuna, “Aperi netoro cācu yu ā,” ĩ tūgoñarique, caroaro tūgoñaquēnana átaje. ²³Atie nipetiri wame camaja caroorije na majuuna na yerip̄ na catūgoñarije jugori rooye tuama.

Una mujer extranjera que creyó en Jesús

(Mt. 15.21-28)

²⁴Jesu Genesarép̄ cānac̄u Tiro, Sidón cawamecuti macarip̄ cāáajup̄. Top̄ eja, top̄ cu caejarijere na camajiro cabooquējup̄, aperi capārā yu t̄p̄ neñarema ĩi. To bairi j̄ica wiip̄ cajāacoajup̄. To bairo baibacu quena dope bairo bai cayaji majiquējup̄. ²⁵⁻²⁶Nemoona Jesu cu caejarijere caapiyupo j̄icao cawāti jāa ecoorico paco. Apero macaco, Sirofenicia macaco cāñupo. Jesu cu caejarijere queti apio, Jesu tu ejao, r̄popatuarip̄ caejacumuñupo. Ejacumuri wāti co macoacāp̄ cācure cabuu roca rotiyupo. ²⁷Jesu maca co cañup̄:

—Aperi Israel maja cāniquēnare yu cátinemoro cawimarā ye ũgariquere na emari yaiare nare nuere bairo yu átibon. Cawimarāre canu jugope ā, co cañup̄ Jesu.

²⁸To bairo cu caño:

—Ūpañ, cariape mu ĩ. To bairo yaiare cawimarā ye ũgariquere cajoquetipe to cānibato quena na cauga ruiri cajawa ēorop̄ caña rerijere

ɣganucuma yaia. To bairona caĩñupo Jesure, yu quena apeo yu cãnibato quena Israel majare na átinemo yaparon petoacã yu quenare yu átinemoña ïo, caĩñupo Jesure.

²⁹To bairo co caĩro ocõo bairo co caĩñupu Jesu:

—Caroaro yure mu caĩ tũgooña nucubugori wamere apii wãti mu macopure cãcure mere yu buu rocatũga. Mere yure caĩ nucubũgoo aniri tunu aãcoja, co caĩñupu.

³⁰To bairo Jesu cu caĩro co ya wiipu catunucoajupo. Tunu eja, co macore co cuñaricaropũ capejaore co catujũyupo, mere wãti cõpũre cãnibatacu cu cabutiricopure yua.

Jesús sana a un sordomudo

³¹Jesu Tiro cawamecutopũ cãnacũ cabuti aájupu. Buti aãcu Sidón cawamecutopũ to bairi Decápoli cãni macaripu caneto aájupu. To neto aã, Galilea ɣtabũcura tũ caejayupu tunu. ³²Topũ jĩcaũ caapi majiquẽcu, caroaro cawada majiquẽcure Jesu tũpũ cu canejuparã, mu wamo mena cu ñiga peori cu netooña ïrã. ³³To bairi Jesu aperobũjaacã camaja na catujũquẽtopũ cu cane aájupu. Topũ cu ne aã, cu wamo jũari mena cu amoo operipure ñu nucori bero cu wamo jũare ɣcoo wareri cu ñemerore capañañupu. ³⁴To bairo cu ñemerore paña, ɣmũrecoopũ tũju mũgori cayeri jinijãñupu. Yaparo:

—¡Efata! cu ye mena caĩñupu. Cu amoo tujuya ïi, to bairo caĩñupu.

³⁵To bairo Jesu cu caĩrona caapi majii, caroaro cawada majii cãñupu mere yua. ³⁶To bairi topũ cãnare, “Aperãre na buio batequeticõaña,” na caĩñupu Jesu. Seeto buioquẽja cu caĩbato quena seetobũja capãarãre na cabuio bateyuparã. ³⁷Seeto majuu tũju acuari ocõo bairo caĩñuparã:

—Nipetiri wamere caroaro átinucumi Jesu. Caapi majiquẽna quenare na caapi majiro áami. Cawada majiquẽna quenare na cawada majiro áami, caĩñuparã.

Jesús da de comer a cuatro mil personas

(Mt. 15.32-39)

8¹Jesu camajare cu canetooro bero camaja capãarã cu tũpũ caneñapoyuparã tunu. Topũ ãnaa na caɣapere casũgoquẽjuparã. To bairo na cabairo tũjuu Jesu cu buerãre pijori na caĩñupu:

²—Ati maja paarãacãre yu bopaca tũjũcũpũ. Mani mena na cãno itia rumũ neto. To bairi na ɣgarique peticoapa. ³Cañigo riarãrena na ye wiiripu na yu catunuo jooata ma recomacana riañaborãma. Aperã cayoaropũ cáatãna ãma, na caĩñupu Jesu.

⁴To bairo cu caĩro ocõo bairo cu caĩñuparã cu buerã Jesure:

—Mani atopũ camaja manopure dope bairo átiri ati maja capãarãre na mani ɣgarique nu majiquẽe.

⁵To bairo na caĩro Jesu na cajeniñañupu:

—¿Noo cãnacã majuu pan rupaa mũa cũgoti?

To bairo na cu caĩ jeniñaro:

—Siete rupaari majuu jã cũgo, caĩñuparã.

⁶To bairo na caĩro apiri camajare na carui rotiyupu Jesu yeparure. Na rui roti yaparo pan rupaarire jee, Diore caĩ nucubugoyupu. ï yaparo ti rupaare pe muto, cu buerãre na cajooyupu, camajare na bate jooya ïi. ⁷To bairi wai quenare petoacã casũgoyuparã. Na quenare joori jũgoye Diore caĩ nucubugoyupu Jesu. ï yaparo na

quenare cabate rotiyupũ. ⁸To bairo cũ cátiere caroaro cauga yapi peticoajupará. Na cauga yapi rugarijere siete piiri majuu cajee neoñupará. ⁹⁻¹⁰Tiere caugaricarã cuatro mil majuu cañupará camaja nipetiro ánaa. To cõona nare aátaje uiri bero, cumuarũ eja jãa, cáaácoajupũ cũ buerã mena Dalmanuta cawame cutorũ aácu.

Los fariseos piden una señal milagrosa

(Mt. 16.1-4; Lc. 12.54-56)

¹¹Jesu cũ buerã mena Dalmanutapũ caejayupará yua. Topũ na caejaro fariseo maja Jesu mena seeto capee cawadayupará. ¿Dio cũ cajooricũna cũ áti? Írã umurecoo cabairije uniere cũ cáti inoo rotibajupará. ¹²To bairo na caĩro Jesu yeri jinijári ocõo bairo cañũpũ:

—¿Nope írã ati yũtea macana umurecoo macajere áti inooriquere na tujugati? Cariapena mujaare yũ ígu. Umurecoo macajere mujaare yũ áti inooqueti majuucõagu, cañũpũ Jesu.

¹³To bairo na í yaparo cumuarũ eja jãa, ape nũgoapũ capeñacoajupũ cũ buerã mena tunu.

La levadura de los fariseos

(Mt. 16.5-12)

¹⁴Ape nũgoapũ peña aána Jesu buerã na caugapere cajeequẽjupará. Pan jicana cane aájupará bairã pua. ¹⁵To bairi ocõo bairo na cañũpũ Jesu:

—Caroaro tũgoõña majiña. Fariseo maja, to bairi Upau Herode na ya wame pan to wauato írã levadura na caĩrije tiepũ na caajurijere caroaro tujũ majiri tiere átiquẽja, na caĩbajupũ cũ buerãre.

¹⁶To bairo cũ caĩrijere api majiquetibana:

—Pan mani caugape mani cajee atíquẽto ïi to bairona mani ïimi, caame ïñupará cũ buerã.

¹⁷⁻¹⁸To bairo na caame ïrijere majiri ocõo bairo na cañũpũ Jesu:

—¿Nope írã, “Pan mani caugapere mani cajee atíquẽto ïi to bairona mani ïimi,” yũre muja ame ïti? ¿Mujaaare yũ cátinemoro muja majiriticoati? Caroaro yũ cátajere tujubana quena, yũ cabuoirijere apibana quena muja tũgoõña majiquẽe. Mũja majuuna muja yeripũ muja tũgoõña majigaquẽna.

¹⁹To jũgoye jica wamo cãnacã pan rupaari mena jica wamo cãnacã mil cãna camajare na yũ canuepere ¿mũja tũgoõñaquẽeti? ¿Noo cãnacã pii majuu na cauga rugarijere muja cajee neori? cañũpũ Jesu.

Cũ buerã maca:

—Doce piiri majuu jã cajee neowũ, cañũpupará.

To bairo na caĩro na cañũmoñupũ Jesu tunu:

²⁰—Ape ni quenare siete rupaari pan rupaari mena bapari cãnacã mil cãna camajare yũ canuwũ. ¿Ti pan quenare noo cãnacã pii majuu muja cajee neori? na cañũpũ Jesu.

—Siete piiri majuu jã cajee neowũ, cũ cañũpupará.

²¹To bairo na caĩro na cañũpũ Jesu tunu:

—To bairo yũ cátajere majibana quena ¿nope írã muja api majiquẽeti mai? na cañũpũ.

To bairo ïi pan macaje meere ïi cañũpũ. Fariseo maja jocarãna na cabuerijere caroaro tũgoõña majiri na apiũajuẽja ïi, na cañũpũ Jesu.

Jesús sana a un ciego en Betsaida

²²Jesu cũ buerã mena utabucũrare peña, ape nũgoa Betsaida cawamecuti macapũ capeña ejayupará. Ti macapũ na caejaro Jesu tũpũ

jĩcau cacape tũjuquẽcure cane ejayuparã. Jesu tũpu cũ ne ejari, ocõo bairo cũ caĩ jeniñuparã:

—Anire cũ pañari cũ netooña, cũ caĩñuparã.

²³To bairi Jesu cacape tũjuquẽcure cũ wamo mena tũga aáti maca tũjaropũ cũ cane aájupũ. Cabero Jesu cũ ucoo mena cũ catu wareyupũ cũ capere. To bairo áti yaparo Jesu cũ wamori mena cũ capere cañiga peoyupũ. To bairo átiri cũ caĩ jeniñañupũ:

—¿Mũre apeye unie to bauti? caĩñupũ. ²⁴To bairo cũ caĩro, tũju pã:

—Yũ tũju camajare baii pũa. Yucure bairo cabaurã aáteñama, caĩñupũ.

²⁵To bairo cũ caĩro apii Jesu cũ capere cũ wamori mena cañiga peonemoñupũ tunu. To bairo cũ cátorũna caroaro majuu catũju majiñupũ yua. To cãnacã wame cariape catũju majiñupũ. ²⁶To bairi Jesu:

—Macapũre aáquẽja. Mũre yũ canetoorijere aperãre buio batequẽcũna mũ ya wiĩpu tunu aácũja, cũ caĩñupũ.

Pedro declara que Jesús es el Cristo

(Mt. 16.13-20; Lc. 9.18-21)

²⁷Cabero Jesu cũ buerã mena Césarea Filipo tu cãni macaripu cáaájuparã. Topũ na jugo aácu ocõo bairo cũ buerãre na caĩ jeniñañupũ Jesu:

—Camaja yũ cabairijere wadapenirã, ¿Ñamũ majuu cũ ãcũmi, na ñnucuti? caĩñupũ.

²⁸To bairo cũ caĩ jeniñaro ocõo bairo cũ caĩ yũyuparã:

—Jĩcaarã, “Juan bautisari majocu cañia ecooricũ ãnacũ catunu catiricu ãcũmi,” mũre ñma. Aperã, “Tirũmũpu macacu Dio ye quetire buiori majocu, Elías cãniñaricu tunu ejaricũmi,” mũre ñnucuma. Aperã maca, “Apeĩ Dio ye quetire cabuoricu tirũmũpu macacu catunu catiricu ãcũmi,” mũre ñma, cũ caĩñuparã.

²⁹Jesu cũ buerãre na caĩ jeniñanemoñupũ tunu:

—Mũja maca, ¿ñamũ majuu ãcũmi, yũre mũja ñ tũgoõnati?

To bairo cũ caĩro apii Pedro maca cũ caĩ yũyupũ:

—Tirũmũpu macana, “Camaja tũpu joogumi Dio jĩcau cãni majũre,” na caĩricũna mũ ã, cũ caĩñupũ Pedro.

³⁰To bairo Pedro cũ caĩriquere aperãre na cabuio rotiquẽjupũ Jesu.

Jesús anuncia su muerte

(Mt. 16.21-28; Lc. 9.22-27)

³¹Cabero Jesu cũ buerãre ocõo bairo na cabuio jugoyupũ:

—Yũa camaja tũpu Dio cũ cajooricu anibacu quena seeto yũ popiye tamũogu. Cabũcũrã judío majare carotirã, sacerdote maja çparã, judío majare cabuerã nipetirã yũ tũjuteeri aperãre na jĩa rotigarãma yũre. To bairo yũre na caĩabato quena itia rãmũ bero yũ tunu catigu.

³²Caroaro na api majiatio ñi, cariape to bairije na caĩ buioyupũ Jesu.

To bairije na cũ caĩ buioiro Pedro aperobũjaacã cũ ne aáti:

—¡To bairo ñqueticõaña! Jesure cũ caĩ tutiyupũ.

³³To bairo Pedro cũ caĩro cũ buerãre amojore tũjuri Pedrore cũ catutiyupũ Jesu:

—¡Satanã, yũre aáweoya! caĩñupũ. Pedro Satanã cũ caĩgari wamere cũ caĩro ñi, to bairo Pedrore cũ caĩ tutiyupũ Jesu. To bairi: —Dio cũ caboorijere mũ tũgoõñaquẽe. Camaja na caboorije macare mũ tũgoõña mũa, cũ caĩñupũ Pedrore.

³⁴ Cabero Jesu cu buerã aperã camaja quenare pi neojori na cabuioyupũ: —Yũ mena macana anigarã mũa majuuna mũa cátiqarijere tũgooñaqueticõaña. To cãnacã rumũ yũ caboorije macare áti ùjaya. Yũre na cajĩagarore bairona mũa quenare na cajĩagarije to cãnibato quena yũre áti ùjanucucõaña. ³⁵ Noa, “Yũ majuuna yũ caboorije yũ átigu,” caĩrã Dio tũpũ to cãnacã rumũ catirique bũgaquetigarãma. To bairi ati yepa ãnapũ mũa majuuna mũa caboorije átiqũena, yũ caboorije macare ãna, yũ ye quetire apiujarã, caroa ãnajere mũa bũgagarã. ³⁶⁻³⁷ To bairi jĩcaũ ati yepa macaje apeye unie nipetiro cacũgou Dio tũpũ cu cãnibope macare catũgooñaquẽcu ùcu catirique bũgaquetigumi. To bairi cu yeri maca Satanã tũpũ aã, cu cabaiata ñuuquetiboro. Satanã tũpũ cu cáaaquetipere waraye majiquestibõmi, ati yepa macaje nipetiro cu cacũgorije to cãnibato quena. ³⁸ Ati yutea macana caroorã, yũre canũcũbugoquẽna watoapũ ãnaa, “Jesu yarã jã ã, cu ye quetire caapiujarã jã ã,” i boboqueticõaña. Ape rumũpũ yũ tunu atĩgu, yũ Pacũ cu caaji baterije mena, cu tũ macana ángel mũa mena. Ti paũ cãno yũre caboboricarãre yũ quena na yũ bobogu. “Yũ cabuercarã me ãma,” yũ quena na yũ ïgu.

9 ¹ Jesu camajare cu cabuoricaro bero ape wame cu buerãre na cabuioyupũ tunu:

—Cariape mũaare yũ ï. Atopũ cãna mũaa jĩcaarã mũa cabai yajiparo jũgoye Ùpaũ Dio cu cãniere mũa tũjugarã tutuaro mena cu caejaro.

La transfiguración de Jesús

(Mt. 17.1-13; Lc. 9.28-36)

² Seis cãnacã rumuri bero jĩcaũ ñ taũ caũmũaricũpũ cáaajúpũ Jesu. Pedro, Jacobo, Juan na jetore na cajee aájupũ cu mena. Topũ eja, ti ñ taũpũ ãnaa na catũjũjoro Jesu cu cabaurije ricati cabauyupe. ³ Cu jutii seeto ajiya, seeto majuu cabotiyupe. Camaja sabaũ mena jutii cabotirije na cacogero netoro cabotiyupe. ⁴ To bairo cabairi paũna Elías, to bairi Moisé buia nũcari Jesu mena cawadapeni tũjũnucũũparã. ⁵ To bairo na cabairo tũjũũ Pedro maca ocõo bairo caĩũpũ Jesure:

—Jã Ùpaũ, ñuu majuucõa atopũ mani cãno. To bairi itia wiiaacãre mani ána. Mũ ya wii cãnipa wii, Moisé ya wii, Elías ya wii cãnipa wiiri mani ána.

⁶ Jesu buerã caacna netocoajuparã. To bairi Pedro dope bairo ï majiquestibacũna to bairije caicõañupũ. ⁷ To bairo Pedro cu caĩri paũna bujeri bũrũa na cabuje bipe ájupe. To bairi bũrũa bujeri bũrũa watoapũ ocõo bairo caĩ wadaro caapiyuparã:

—Ani yũ Macũ, yũ camaii majuu ãmi. Cu cabuorijere caroaro apiujaya, ïriquere caapiyuparã.

⁸ To bairo caĩro bero catũjũjobajuparã tunu. Jesu jĩcauna cu catũjũnucuro catũjũyuparã. Aperã cu mena catũjũnucuricarã camañuparã.

⁹ To cõona ñ taũpũ cãnana na carui aáto Jesu to bairo cabairo na catũjũriquere aperãre cabuio rotiquẽjupũ:

—Yũ, camaja tũpũ Dio cu cajooricũ yũ cãnibato quena yũre jã rocgagarãma. To bairi cabai yajiricũ cãnacũ yũ catunu catiro bero aperãre na mũa buiogarã yua, na caĩũpũ Jesu.

¹⁰ To bairi aperãre buioquẽnana na jetona catũgooñaũparã. To bairo tũgooñari caame ï jeniñaũparã:

—¿Dope bairo cabaipere bai yajiricarõ bero tunu catirique cu ïti? caame ï jeniñaũparã na majuuna. ¹¹ Cabero Jesu quenare cajeniñaũparã tunu:

—¿Nope ñrã judío majare cabuerã, “Dio cu cajooparã majuu jugoye Elías ñacuu tunu atígumi,” na ñnucuti? cu caí jeniñañuparã.

To bairo na caí jeniñaro ocõo bairo caroaro na caí buioyurũ Jesu:

¹²—Cariape ñma. Elías cu cáatípena cãñupa Dio yure cu cajooparo jugoye. Camajare na cayeri quenoo jugoyeyeparã cãmi. Dio ye queti ucarica pũuroprũ ocõo bairo baigumi Dio cu cajooricũ ati yeparũ ejaũ, ñ ucarique ã: “Yũ tũjuteebana yure popiyeyegarãma,” ñ ucarique ã. ¹³ Cariape mũjaare yũ ñ: Elías ñacuu caejatugawĩ mere. Cu caejabato quena tirũmũrũ macana, “Elías atígumi,” na caĩricu Juãre, “Cũna ãmi,” cu caí tũjuquẽma. Na caboorije maca cu cájuparã, cu jĩarã. To bairo ãna tirũmũrũ macana na caí ucaricarore bairona cabaiyupa Juãre.

Jesús sana a un muchacho que tiene un espíritu malo

(Mt. 17.14-21; Lc. 9.37-43)

¹⁴ Ñ taũrũ caejaricarã na mena macana na cãnorũ rui ejarã camaja capãarã cãnare catũjũyuparã. Aperã quena judío majare cabuerã Jesu buerã mena seeto caame wada canamuñuparã. ¹⁵ To bairi Jesu na tũrũ cu carui ejarõ tũjũrã catũjũ acũacoajuparã. To bairi cu tũrũ atu aátĩ, cu cañuu rotira aájuparã. ¹⁶ To bairo na cáto:

—¿Ñe uniere wadapenirã to cõo mũja wada canamuri? na caí jeniñañupũ Jesu.

¹⁷ To bairo cu caí jeniñaro apii jĩcaũ na paarãacã watoarũ cãcu cu caí yũyurũ Jesure:

—Ëparũ, yũ macu jĩcaũna cãcũre wãti cacũgoure yũ neapũ. Yũ macu wãti jũgori wada majiquẽmi. ¹⁸ Wãti cu cañe roca cũrona cu rijerorũ jopo tu, cu opi baque ruio, to bairi bu yajicoanucumi yũ macu. Mere mu buerã quenare, “Wãtire cu buu rocabojaya yũ macũre,” na yũ ñbarũ. Cu buu roca majiquẽma, Jesure caĩñurũ.

¹⁹ To bairo cu caĩro apii ocõo bairo caĩñurũ Jesu cu buerãre:

—Caroaro yure mũja api nũcũbũgoquẽe. Cariape mũja tũgoõñaquẽe. Yoaro mũjaare yũ caí buiobato quena mũja api majiquẽe. Anĩ cu macũre yũ tũrũ cu neajã, na caĩñurũ.

²⁰ To bairo cu caĩro Jesu tũrũ cawimaũre caneajuparã. Cawimaũre Jesu tũrũ na caneatõna majiña mano cawimaũre cu caria ñaro cu cájupũ wãti tunu. To bairo cu cáto cawimaũ maca roca cumu, yugui mecũ, cu rijerorũ jopo tu, cabaiçoajupũ. ²¹ To bairo cu cabairo tũjũri Jesu cawimaũ pacũre cajeniñañurũ:

—¿Diatipũ to bairo cu cabai jũgori? cu caĩñurũ.

Cawimaũ pacũ maca ocõo bairo cu caí yũyurũ:

—Cawimaũrũna to bairo cabai jũgowĩ. ²² Capee niri wãti cu jĩagu perorũ cu roca joe, riapũ quenare cu roca ñuanucumi. Mu catutuarije mena cũre mu canetoo majiata jã bopaca tũjũri jã átinemoña.

²³ To bairo cu caĩro Jesu maca ocõo bairo cu caĩñurũ:

—Yure mu canũcũbũgoata cũre yũ netooboja maji. Yure canũcũbũgorã nipetirore nipetiri wamere na yũ netooboja maji.

²⁴ To bairo cu caĩro apii cawimaũ pacũ tutuaro ñ, seeto Jesure cu caí jeniñurũ:

—Mũre yũ nũcũbũgo. Netobũjaro yũ canũcũbũgoro yure átinemoña, seetobũja cu caí jeninemoñurũ.

²⁵ Jesu camaja capãarã na tũrũ na caatu atõ tũjũũ wãtire roca buu ocõo bairo caĩñurũ:

—Wāti cū cawada majiquēto, cū caapi majiquēto cácu, buti aácuja. Ani cawimaupure cácu aácuja. Pūgani cū pure jāanemoqueticōaña.

²⁶To bairo cū cairona wāti cū caawaja buti aátona cawimañ caria ñacoajupũ tunu. To bairo bai, ria yajicoacure bairo cabaiyupũ. To bairi aperã maca:

—Ria yajicoapi, caĩñuparã.

²⁷Jesu maca cū wamopũ ñeri, cū catũ ga wamũo ñucoñupũ. To bairo cū cátona cawamũ ñucacoajupũ yua.

²⁸Cabero Jesu wiipũ cū cajãaro cū buerã aperã na caapiquētopũ cū caĩ jeniñañuparã:

—¿Nope ñrã wãtire jā roca buu majiquējupari?

²⁹To bairo na caĩro:

—To bairo cabairã una wãtiare buugarã ũgaqueti seeto Diore cajeni ñucũbugope ã.

Jesús anuncia otra vez su muerte

(Mt. 17.22-23; Lc. 9.43-45)

³⁰⁻³¹To bairi Césarea Filipopũ cãnana Galilea yeparũ cáaácoajuparã tunu. Topũ na cáatfere aperã na camajiro cabooquējupũ Jesu, cū buerã jetore na ĩ buiogũ. Ocõo bairo na caĩ buioyupũ:

—Aperã yure ñeri, yũ joogarãma yure cajĩaparãre. To bairo yure na cajĩa rocabato quena itia rumũ bero yũ tunu catigũ, na caĩñupũ.

³²Cũ buerã maca to bairo cū caĩrijere caapi majiquējuparã. Api majiquetibana quena, “¿Dope bairo ĩgu mũ ĩti?” cū caĩ jeniña uwiyparã.

¿Quién es el más importante?

(Mt. 18.1-5; Lc. 9.46-48)

³³Cabero Capernaum cawamecuti macapũ caejayuparã. Ti macapũ eja, na cãni wiipũ na cajãaro bero cū buerãre na caĩ jeniñañupũ Jesu:

—Mapũ aána ¿ñe uniere mũja ame wadapeniri?

³⁴Na maca mapũre aána, ¿ni maca mani mena macacũ nipetiro netoro caroti majii cū anicuti? caame wada peniricarã aniri cū cayũquējuparã.

³⁵To bairi Jesu ejanumu, cū buerã doce majuu cãnare pijo, na caĩñupũ:

—Aperã netoro caroti majirã anigarã nipetirã bero macana, nare capaa coterã cãnipe ã.

³⁶To bairo ĩ, jĩcau cawimaure cū pijo, na watoapũ cū catũjũnucu rotiyupũ. Cũ tũjũnucu roti, cū ne mũgoñari ocõo bairo caĩñupũ cū buerãre:

³⁷—Ani cawimaure bairo cãna cawatoa cãna na cãnibato quena yũ carotiro mena nare mũja cátinemoata yurena átinemorã mũja áa. Yure cátinemorã maca yũ Pacũre átinemorã áama, caĩñupũ Jesu cū buerãre.

El que no está contra nosotros, está a nuestro favor

(Mt. 10.42; Lc. 9.49-50)

³⁸Cabero Jesure cū caĩ buioyupũ Juan:

—Jãre cabuei, apei camaja na yeri wãtiare na cū cabuu rebojaro jā tũjũwũ. “Jesure caapi ñucũbugou yũ ã,” ĩri na yeri wãtiare na buti rotiwĩ. Mani mena macacũ cū cãniquēto maca, “Átiqueticōaña,” cũre jā boca ĩ matawũ, caĩñupũ Juan.

³⁹To bairo cū caĩro apii Jesu maca ocõo bairo cū caĩñupũ Juãre:

—Cũ mataqueticōaña. Ni ũcu yũ wame mena apeye uniere áti ĩnoori bero rooro yure ĩ majiquetigũmi. ⁴⁰Manire cateequẽcu ũcu mani mena

macacuna ãmi. ⁴¹Noa yu yarã muja cãno mujaare cãtinemorã, ocore mujaare catiãrã quenare caroaro na joogumi Dio, na quena mujaare petoacã cãtinemorã ãma ïi.

El peligro de caer en pecado

(Mt. 18.6-9; Lc. 17.1-2)

⁴²Noo yure canucubugorãacãre rooro na cáto cácu ïcu Dio cu caporiyeyepã majuu anigumi. Nemoona ï ta capairica mena cu wamũ tutupũ jia yori caũcuari yapũ roca ñuacõa jooata ñuuboro. To bairo átrato nemoona bai yajiri cabero yu yarãre rooro na cáto áti rooye tuuquetiboumi. ⁴³Muja wamo mena rooro átigarã pa ta rocaricarore bairo ána to cõona caroorije áti janaña. Jica wamo mana anibana quena Dio tũpũ to cãnacã rumũ muja cãno maca ñuubuja. Puga ñugoarũna cawamoricuna anibana quena pero cayatiqueti peropũ muja cáaáto ñuuetiboro. ⁴⁴Pero to bairo to caũnucucõarije to cãnibato quena becoa riaqueti majuucõagarãma. ⁴⁵⁻⁴⁸Muja rupo mena rooro átigarã quena pa ta rocaricarore bairo ána to cõona caroorije áti janaña. Jica rupo mana anibana quena Dio tũpũ to cãnacã rumũ muja cãno maca ñuubuja. Puga ñugoarũna rupoarũna anibana quena peropũ muja cáaáto ñuuetiboro. To bairona muja capeari mena ape wame tujuri caroorijere muja cátigaro muja capeari pãa rocaricarore bairo tujũ janacõaña. Cacaepa mana anibana quena Dio tũpũ muja cáaáto ñuubuja. Puga capearũna cape cutiri peropũ muja cáaápata ñuuetiboro. Topũ pero to caũnucucõabato quena becoa ria yajiqueti majuucõagarãma.

⁴⁹Camaja nipetiro ugariquere roarã pero mena jeto roanucuma. To bairi tiere bairo nipetiro yure caapi nucubugorã popiye tamõori bero netobujaro tũgoõña ocabutigarãma yua. ⁵⁰Moa caoocarije ñuubuja. Caocaaquẽtie macare dope bairo caoacaaro áti majiña maa. Moa caroaro caoacaarije bairo caroaro ãña. To bairi ame quẽrique mano aninucũña mujaa.

Jesús enseña sobre el divorcio

(Mt. 19.1-12; Lc. 16.18)

10 ¹Jesu Capernaupũ cãnacũ Judea yepãpũ, Jordán na caĩri ya ape ñugoarũ quenare cáaájupũ. Topũ cu caejaro camaja capãarã cu tũpũ caneñaropũparã. To bairi cu cãtinucurore bairona Dio ye quetire na cabuiopũ. ²To bairo cu cabuioro jãcaarã fariseo maja Jesu tũpũ atĩ, cu tũgoõña mawijia bui cuparo ïrã ocõo bairo cu caĩ jeniñaũparã:

—¿Mani judío majare jãcaũ cu ñumore cu carocagaro roca rotirique to áti?

³Ocõo bairo na caĩ yũyupũ Jesu fariseo majare:

—¿Moisé tirumũpũ macacu dope bairo cu carotiyupari?

⁴To bairo cu caĩro:

—Moisé ãnacũ ocõo bairo caucayupi: “Jãcaũ cu ñumore rocagũ papera pũuro, ‘Ocõo bairo mu cabairije wapa mu yu rocagũ,’ ï ucarica pũuro, cõre cu joato,” caĩ ucayupi Moisé, caĩñũparã fariseo maja Jesure.

⁵To bairo na caĩro:

—Muja yeripũ Dio cu caboerijere muja cabai netoogaro to bairo caucayupi Moisé, jãcaũ cu ñumore carocagaure mataquetigu. ⁶Dio nipetiri wame áti jũgouũna caũmu, cãromio cájupi. ⁷To bairi caũmu cu pacũ, cu pacore tũgoõña janari cu ñumo ye macare tũgoõnagumi. ⁸To bairi co

mena aniri puğarã anibana quena cu nũmo mena jĩcaure bairona ãma, cu nũmo jãa. ⁹To bairi camajocu jĩcau cu nũmo mena jĩcaure bairona aniri Dio cu cacũricarã ãma jĩca bapa. To bairona Dio cu cacũricarã aniri caame rocaquetiparã ãma, na caĩñupũ Jesu.

¹⁰Cabero wiipũ ãnaa Jesu buerã cu caĩriquerena caĩ jeniña nemoñuparã tunu. ¹¹Tiere na caĩ jeniñaro ocõo bairo na caĩ yũyupũ Jesu:

—Noo cu nũmore rocarĩ apeo macare nũmocucu rooro ácu áami cãni juğoricore. ¹²Cãromio quena, co manapũre rocarĩ apeĩ macare manapũcico rooro áco áamo cãni juğoricure.

Jesús bendice a los niños

(Mt. 19.13-15; Lc. 18.15-17)

¹³Cabero aperã na punaare Jesu tupũ cajee ajuparã, na ñiga peori Diore na jenibojaya írã. To bairo na cáto tujurã Jesu buerã maca nare matagabana:

—Cawimarãre na jee atĩqueticõaña, Jesure cu patowãcoorema, na caĩñuparã.

¹⁴To bairo na caĩ matarijere apii Jesu maca tujooquẽcu, ocõo bairo na caĩñupũ:

—Cawimarã yu tupũ na aparo. Na mataqueticõaña. Uraũ Dio cu cãnopũ cáaaaparã ãma ati maja cawimarãre bairona caroaro yure catuğooñarã.

¹⁵Cariape mujaare yu ï. Ati maja cawimarã yure na caboore bairo cabaiquẽna maca, Uraũ Dio cu cãnopũ aáquetigarãma, na caĩñupũ.

¹⁶To bairo ï yaparo cawimarãre na ne muğo, na ñiga peo, Diore na cajenibojayupũ yua.

Un joven rico habla con Jesús

(Mt. 19.16-30; Lc. 18.18-30)

¹⁷Cabero Jesu aperopũ cu cáaaati rau jĩcau cu bero caatu Ƴja ajupũ. Cu tupũ atu ejari, cu tupũ ejacumu, cu nũcubũgori ocõo bairo cu caĩ jeniñañupũ:

—Jesu, caroaro camajare cabuei mu ã. Cañuu netoũ mu ã. To bairi yure buioya. ¿Ñee uniere yu ácuati yu cacaticõa aninucupere buğagu? caĩñupũ.

¹⁸Jesu maca ocõo bairo cu caĩ yũyupũ:

—¿Nope ïi cañuu netoũ yure mu ïti? ¹⁹Dio jĩcaũna ãmi cañuu netoũ. Dio cu carotiriquere mu majii. “Camajare na jĩaqueticõaña. Ati epericarã cutiqueticõaña. Jee rutiqueticõaña. Jocuña aperãre na ïtoqueticõaña. Aperãre ïtorique mena rooro na átiqueticõaña. Mu pacũ, mu pacore na nũcubũgoya.”

²⁰To bairo cu caĩro apii:

—Cawimaũ ácurũna tiere yu cáti peocõawũ, caĩñupũ Jesure.

²¹Jesu cu mai tujuri ocõo bairo cu caĩñupũ:

—Jĩca wameacã mu cátipecũ ruja. Mu cacũgorijere nuni peo wapa jejia. Mu sawapa jeerijere cabopacarãre na joo bate peocõaña. To bairo ácu umurecoopũ capee cañuu netorijere mu cũgogu. To bairo áti yaparo mure camajiriobato quena, yu mena ajá, cu caĩñupũ Jesu.

²²To bairo Jesu cu caĩrijere api tujooquẽcu, seeto tũgoonarique pairi catunucõajupũ, caapeye paii aniri.

²³Cu cáaaato bero Jesu cu buerãre na tujuri ocõo bairo na caĩñupũ:

—Caapeye unie pairãre Dio tupũ na cáaaape seeto majuu majiriocõa, caĩñupũ Jesu cu buerãre.

²⁴To bairo cū cañrijere apirã, Jesu buerã caapi acuayuparã. To bairi Jesu na cañnemoñupũ tunu:

—Yũ punaare bairo cãna, caapeye unie cũgo netorãre Dio tũpũ na cãaãpe seeto majuu majirio netocõa. ²⁵Waibũcu cameyo cawamescũ capaii apopota yita wẽ pñorica opeacãre cũ caame butigaata majiriobũja. To bairona seeto majirio caapeye unie pairã Dio tũpũ na cãaãgaro.

²⁶Tiere cū caĩro cū buerã caapi acuanemocoajuparã tunu:

—Baiyupa cariape cū caĩata noa Dio tũpũ eja majiquẽnama, caame ñũparã.

²⁷Jesu to bairo na caame ñro apii ocõo bairo na caññupũ:

—Camaja na majuuna Dio tũpũ aã majiquẽema. Dio maca nipetiri wame cãti majii aniri jĩcaũna ãmi cū tũpũ cãaãparãre canetoo majii.

²⁸To bairo cū caĩro Pedro ocõo bairo cū caññupũ:

—Nipetiro jã yere jã cãaãweowũ, mũ mena macana anigarã.

²⁹⁻³⁰To bairo cū caĩro:

—Cariape mũjaare yũ ñ. Jĩcaũ ñcũ cū ya wii, cū racua, cū yarã, cū punaa, cū wejeri, nipetirore cū cãaãweoquẽpata, Dio cū caboorije macare átigu, capee majuu caroa cū cacũgo jũgorique netoro majuu buganemogumi ati yeparũre. Aperã rooro nare na cãtibato quena caroare bugagumi. Caberopũ quenare Dio mena aninucucõagumi.

³¹To bairi yucũacã, “Cãni majuurã jã ã,” caĩrã caberopũ cawatoa cãna anigarãma. Capãarã yucũacãre cawatoa macana cãna quena caberopũ cãni majuurã anigarãma na maca, caññupũ Jesu.

Nuevamente Jesús anuncia su muerte

(Mt. 20.17-19; Lc. 18.31-34)

³²Cabero Jesu Jerusalẽpũ aãta wãpũre aãcũ cū buerã jũgoye cajũgoyupũ. ¿Dope bairo Jerusalẽpũ to bairoati? ñrã tũgooña acũari uwirique mena cū bero cañjayuparã. To bairo na caejaparo jũgoye cū buerãre ricati pi neori cũre cabaipere na cañ buioyupũ:

³³—Jerusalẽpũ aãna mani bai, mũja maji. Topũ yũ caejaro Dio ati yeparũ cū cajooricũ yũ cãnibato quena aperã yũre ñeri yũre joogarãma sacerdote maja uparãre, judío majare cabuerãre. To bairi yũre joo netogarãma tunu judío maja cãniquẽnapũre, cū jĩa rocacõaña ñrã.

³⁴To bairi na maca yũre ñ eperi, yũ ucõo eo turi, yũre baperi, yũre jĩa rocagarãma yua. To bairo yũre na cajĩa rocabato quena itia mũmũ bero yũ tunu catigu, na cañ buioyupũ Jesu cū buerãre.

Jacobo y Juan piden un favor

(Mt. 20.20-28)

³⁵Cabero Jacobo, Juan Sebedeo punaa Jesu tũpũ aãti:

—Jãre cabuei, mũre jã cajeniri wame jãre mũ cãtibojaro jã boo, cū caññuparã.

³⁶—¿Ñee uniere mũjaare yũ cãtibojaro mũja booti? na cañ jeniñañupũ Jesu.

³⁷—Mũ carotiri paũ cãnorũ mũ mena carotinemoparãre jãre mũ cũwã. Jĩcaũ cariape mũgoa, apeĩ cacõ mũgoapũ mũ mena ruiiri carotiparã jã anigarã, cū caññuparã Sebedeo punaa.

³⁸To bairo na caĩro ocõo bairo na caññupũ Jesu maca:

—Mũja cajeniri wamere mũja tũgooña majiquẽe. Aperã seeto yũ popiyeyegarãma. Yũre na capopiyeyepere bairo mũja quena mũjaare na capopiyeyero ¿mũja mũca majicuti? na cañ jeniñañupũ Jesu.

³⁹—Ë t̃j̃j̃, j̃ã ñuca ocabuti majirã, caĩñuparã.

To bairo na caĩro ocõo bairo na caĩñup̃ Jesu:

—Yure na capopiyeyepere bairona m̃uja quenare m̃uja popiyeyegarãma aperã. ⁴⁰Yure bairona catam̃oparã m̃uja cãnibato quena yu mena carotiparãre m̃ujaare yu cū majiquẽe. Yu riare ñugoã, yu cacõ ñugoar̃u yu mena caroti ruiparãre carotipar̃u mee yu ã. Yu Pacu maca bejeg̃umi yu mena caroti ruiparãre.

⁴¹To bairo Jesure cu na cajeniro apirã aperã Jesu buerã diez cãnac̃u cãna maca na cat̃ugoõna punijiniñuparã Jacobore, Juãre to bairo Jesure na caĩ jenirijere. ⁴²To bairo na cabairo t̃j̃j̃u Jesu na pijori ocõo bairo na caĩñup̃:

—M̃uja majirã. Ape macari macana na ñparã tutuaro rotima. Na ãoro carotirã quena na majare rotima tunu. ⁴³M̃uja maca to bairo cabaiquetiparã m̃uja ã. Nii m̃uja yau cãni majuu anigu capaa cotei cu ãmaro. ⁴⁴Cajugo ãcu majuu anigu, aperã nipetirore capaabojuu cu ãmaro cu quena. ⁴⁵To bairona yu camaja t̃j̃j̃u Dio cu cajooricu anibacu quena aperãre, “Yure capaa coteri maja ãña,” caĩi mee yu ã. Yu majuuna aperãre átinemõu acú yu cáarú. To bairi camaja capãarã majuu caroorije na cátajere bai yaji wapayebojuu acú yu cáarú at̃i yepar̃u, caĩñup̃ Jesu cu buerãre.

Jesús sana a Bartimeo el ciego

(Mt. 20.29-34; Lc. 18.35-43)

⁴⁶Jerusalẽp̃u ma aãna Jericó cawamecuti macar̃u caejayuparã. Jesu cu buerã mena aperã capãarã camaja mena ti macare eja, na caneto aát̃i par̃u Bartimeo cawamec̃ucu, Timeo mac̃u cacape t̃j̃j̃uquẽcu ma t̃j̃j̃aro caniyeru jeni ruiyup̃u. ⁴⁷To bairi, “Aperã Jesu Nasaré macacu neto aãcu áami,” na caĩro apii caĩ awajajoyup̃u:

—iJesu! iËpar̃u David ãnac̃u pãrami, Dio cu cajooric̃una mu ã! iTo bairi yure bopaca t̃j̃j̃uya! caĩ awajajoyup̃u.

⁴⁸To bairo cu caĩro apirã capãarã camaja:

—iAwajaqueticõaña! iJanaac̃uja! cu caĩ tutiyuparã Jesu j̃ugoye cáaãna maca.

To bairo na caĩ tutirije to cãnibato quena seetob̃uja caĩ awajanemoñup̃u tunu:

—iËpar̃u David ãnac̃u pãrami, Dio cu cajooric̃una mu ã! iTo bairi yure bopaca t̃j̃j̃uya!

⁴⁹To bairo cu caĩ awajarijere apii Jesu catua ñucañup̃u. Tuañuca, c̃ũre capi awajaure aperãre cu t̃j̃j̃u na cat̃ũga at̃i rotiyup̃u.

To bairo c̃ũre Jesu na cu cat̃ũga at̃i rotiro, cu caĩñuparã:

—T̃ugoõnarique paiquẽja. Aduja uwaro. Mure pimi Jesu, cu caĩñuparã.

⁵⁰To bairo na caĩro apii, cabui macá w̃u tu we roca c̃ũ, bara wam̃ñuca, Jesu t̃j̃j̃u cáaãjup̃u.

⁵¹Jesu t̃j̃j̃u cu caejaro:

—¿Ñeere mure yu cátibojapere mu booti? cu caĩ jeniñañup̃u Jesu.

—Yu Ëpar̃u, yu cape yu cat̃uj̃upere yu boo, caĩñup̃u Bartimeo.

⁵²To bairo cu caĩro:

—“Yure netoo majiimi,” yure mu t̃ugoõna ñucub̃ugow̃u. To bairi mere mure yu netootugaw̃u. To cõona aãc̃uja.

To bairo Jesu cu caĩrona Bartimeo cat̃uj̃u majicoajup̃u. T̃j̃j̃u maji, Jesu mena mar̃u cáaãcoajup̃u cu quena.

Jesús entra en Jerusalén

(Mt. 21.1-11; Lc. 19.28-40; Jn. 12.12-19)

11 ¹Jesu cū buerã mena Jerusalēpu cū caejaparo tuacãna cãñupe Betfagé, Betania cawamecuti macari Ë tau Olivo cawamecutii canamuñaro caejayuparã. Topu eja, cū buerã puğarãre ocõo bairo na caññupu:

²—Aánaja, i maca mani juğoye cãni macapu. Ejarã jicañ burroacã na cajia nucoricure muja bugagarã capejañaña mácre. Cũre popio, ne ajá. ³Aperã mujaare, “¿Nope irã to bairo muja áati?” na cairo, “Jã Ëpañ boojowĩ. Yoaro meena cū tunuogumi tunu,” muja iwã, na caññupu Jesu.

⁴To bairo cū cairo aá, wiire na cajani jãarica jope tuna ma tujaro na cajia nucoricure cabugayuparã. Cū buga ejari cū capopioyuparã.

⁵To bairo na cáto tujuri topu catujunucurã ocõo bairo na caññuparã: —¿Dope átigarã cũre muja popioti?

⁶To bairo na cairo apirã Jesu na cū cañ rotiricarore bairona cañ yuyuparã. To bairo na cairo apirã:

—Ne aánaja, na caññuparã. ⁷Cabero Jesu tupu cū ne aá, na jutii cabui macajere catu we peoyuparã. To bairo na cáto na jutii bui pejari cáaami Jesu yua. ⁸Cũre áti nucubugorã capãarã cū caneto aápa wãre na ye jutii bui macajere ejoo cūri cacú juğoye cujuparã. Aperã maca ma tujaro macaje bo queri capajure cūñuparã.

⁹Cū juğoye cáaána, cū bero cañjarã quena ocõo bairo cañ awaja wariñuuñuparã:

—iMani Ëpañre cañ wariñuupe ã! iAni Dio cū cajooricu cañuu netou ãmi! ¹⁰Mani ñicu Ëpañ David cū cãnatore bairo caroaro to baicõa ãmaro. iDio jõ bui cãcu caroaro cũre mani áti nucubugoto!

¹¹Cabero Jesu Jerusalēpu eja, Dio wii capairi wii majuure cajãañupu. Topu nipetirijere ti wii macajere tujũ peti, Betaniapu cū buerã mena cáaácoajupu canaiori pañacã cãno maca naio aáto bai ñi.

Jesús maldice a la higuera sin fruto

(Mt. 21.18-19)

¹²Ape gumu cabujuri pañ Betaniapu cãnana Jerusalēpũre aána na cabairi pañ Jesu maca seeto cañigo riayupu. ¹³Ma tujaro cayoabujaroacãpu higuera cawamecutii yucure caroaro capũ cutiire catujuyupu. Tiire tujũ buga, ricacuto ñi tiire catujũu aájupu. Cū catujũ ejaro capũ jeto cãñupe. Carica maca camañupe. Caricacuti yutea mee cãñupe. ¹⁴Carica mano tujuri tiire ocõo bairo caññupu Jesu:

—To ricacuti nemoqueticõato yua, caññupu Jesu tii yucure. To bairo cū cañro cū buerã caapiyuparã.

Jesús purifica el templo

(Mt. 21.12-17; Lc. 19.45-48; Jn. 2.13-22)

¹⁵To bairo bairi bero Jerusalēpu caejayuparã. Jesu Dio wii capairi wiire jãa ejañ catujuyupu cawapayerãre, caapeye joo wapatarã quenare. Na tujũ, Dio wiipũre to bairo na cátiere boocũcu na cabuuyupu. Aperã niyeru wajoari maja ye cajawarire catupu cū re peocõañupu. Aperã na cajia joe buje muğo jooparã buaare joori cawapa jeerã quenare na caruirijere catupu cū recõañupu. ¹⁶Aperã quenare apeye uniere na cajee

neto rotiquējupɯ Dio wii recomacapurɛ. ¹⁷To bairi Dio ye quetire tirɯmɯpɯ macana na caĩ ucarique na caĩ buioyupɯ:

—Dio Wadariquerɯ, “Yɯ ya wii camaja nipetiro to cānacā poa macana yure na cajeni nɯcɯbugopa wii ā,” ĩ ucarique ā. Mɯja maca to bairo Dio wiipɯna wapa jeerā cajee ruti pairā na cāni paure bairona mɯja āa, na caĩ buioyupɯ Jesu.

¹⁸To bairo cɯ caĩ buiorijere apirā sacerdote maja ɯparā, judío majare cabuerā to bairo cɯ caĩrijere caapiyuparā. Tiere apirā, ¿dope bairo átiri cūre mani jīarāati? caame ĩ wadapeni jɯgoyuparā. Cɯ cabuiorijere camaja nipetiro na caapi tɯjɯ acɯaro cɯ cauwiyuparā. ¹⁹Cabero canaiori paɯ cāno Jesu ti macapɯ cānacɯ cāaácoajupɯ tunu.

La higuera se seca

(Mt. 21.20-22)

²⁰Ape ɯmɯ cabujuri paɯ tunu Jerusalēpɯ aána higuera cawamecutii yucure canɯcoripɯna cajini yajiricure catɯjuyuparā. ²¹To bairi Pedro, “To ricacuti nemoqueticōato atii yucɯ,” Jesu cɯ caĩrique tɯgooñari ocōo bairo Jesure cɯ caĩñupɯ:

—Ƴpaɯ, tɯjɯya. “Icɯ cañuquētii to āmaro,” mɯ caĩcɯ jini yajicoajupa, caĩñupɯ.

²²To bairo cɯ caĩro ocōo bairo caĩñupɯ Jesu cɯ buerāre:

—Diore cariapena tɯgooña ocabutiya. ²³—Cariape mɯjaare yɯ ĩ. Diore tɯgooña ocabutiri, “Diore yɯ cajenibato quena baiquetigaro,” ĩ tɯgooñaquēnana Diore jeni nɯcɯbugoya. To bairo mɯja cáto Diore mɯja cajeniri wamere mɯja átibojagɯmi. Icɯ ũ tau, “Ato cānacɯ pairi yapɯ roca ñua yaji aátoja,” mɯja caĩata quenare to bairona baigarō. ²⁴To bairi, “Yɯ joogɯmi Dio,” cɯ mɯja caĩ tɯgooña nɯcɯbugoro nipetiro mɯja cajenirijere mɯja joogɯmi Dio. ²⁵To bairi Diore jenirā aperā mena apeye unie rooro mɯjaare cáтана na cāmata na majirioya. To bairo aperā rooro mɯjaare na cátajere na mɯja camajirioro mani Pacɯ ɯmɯrecoo macacɯ mɯja quenare caroorije mɯja cátajere majirioɯmi. ²⁶Caroorije aperā mɯjaare na cátajere mɯja camajirioquēpata mɯja majirioquetigɯmi mani Pacɯ rooro mɯja cátaje quenare, na caĩñupɯ Jesu.

La autoridad de Jesús

(Mt. 21.23-27; Lc. 20.1-8)

²⁷Cabero Jerusalēpɯ catunu ejayuparā tunu. Jesu Dio wii capairi wii rupearɯ cɯ cāaáteñari paɯ ocōo bairo cabaiyupe. Sacerdote maja ɯparā, judío majare cabuerā aperā cabɯcɯrā carotirā quena Jesu tɯpɯ caejayuparā. ²⁸Cɯ tɯpɯ ejari ocōo bairo cɯ caĩ jeniñañuparā:

—¿Namɯ maca to bairo mɯ cátiere cɯ cáti rotiri?

²⁹Jesu maca na caĩ yɯyupɯ:

—Yɯ quena mɯjaare yɯ jeniñagɯ. Cariapena yure mɯja cayuata mɯja quenare, “Cū yɯ áti rotimi,” mɯjaare yɯ ĩ buioɯ. ³⁰¿Namɯ maca Juan cabautisari majocure cɯ cajooyupari? ¿Dio maca o camaja maca cūre na cabautisa rotiyupari? Tiere yure buioya, na caĩñupɯ Jesu.

³¹To bairo cɯ caĩro apirā na majuuna ocōo bairo caame ĩ wadapeniñuparā:

—“Diona cɯ rotiricɯmi,” mani caĩata, “¿Nope ĩrā Dio cɯ carotiricɯrena cɯ mɯja caapiɯjaqueti?” mani ĩboɯmi Jesu. ³²“Camaja na majuuna Juāre cɯ

rotiricarãma,” mani cañata, camaja manire tutirema ñrã na mani uwiborã. “Dio ye quietire cabuioñ, Dio cu cajooricuna ñnacumi Juan,” i tugooñama camaja nipetirã, caame i wadapeniñuparã na majuuna. ³³To bairo ame i wadapeniri:

—Jã majiquëe, caññuparã.

To bairo na caïro:

—Yu quena cñ cu carotirije mena to bairo yu áa, yu i buioquëe, caññupu Jesu.

El ejemplo de los trabajadores malvados

(Mt. 21.33-46; Lc. 20.9-19)

12 ¹Cabero Jesu buio majiorica wame mena nare buioñ ocõo bairo na caññupu:

—Jĩcañ cu ya wejeru ñje miji wërire caoteyupu. Ote yaparo ti wejere cajani jãcõañupu. To bairo átiri jĩca pañ ñtaa capairicapure carupa coro ñje ocore cu caripe jãpa corore caquenoñupu. Ati yaparo caññuari wii cájupu jee rutiri maja na cáatõ na catũju cotepa wiire. To bairo áti yaparo aperopu aateñau aãgu aperãre ocõo bairo na cañ cññupu: “Yu ñje wejere yu cotebojaya. Yure muja cacotebojaro mujaare yu joogu carecomaca caricare.” To bairo na i cñ yaparo aperopu cáaateñau aãjupu.

²Cabero ñje caricacuti yutea cãno jĩcañ cu paabojari majocure cu cajooyupu cu ya wejere cu cacote rotiricarã tũpũre. “Yu ye ñje ricare na ricawo joato, nare jeniija,” cu cañ jooyupu. ³To bairo cu cañro apii cajenii aábajupu. Cu caejaro wejere cu cacote rotiricarã maca cu ñe, cu caquëñuparã, cu joogaquëna. To bairo na cáto ñugaquëcuna catunucõajupu.

⁴Cabero ti weje urau apeñ cu paabojari majocure cajoobajupu tunu. To bairo cu cajooro cu quena cáaábajupu. Cu caejaro ti wejere cu cacote rotiricarã ñta rupaa mena cu rerã cu rupoare camiroyeri rooro cu cañ epeyuparã. ⁵To bairo cu quenare na cajoogaquëto tũñu ti weje urau apeñre cajoobajupu tunu. Ti wejere cu cacote rotiricarã maca topu cu caejaronna cu cajia rocacõañuparã. Cabero capãarã cajoonemobajupu tunu. Topu na caejaro ti wejere cu cacote rotiricarã maca jĩcaarãre na pawa, aperãre na cajia recõañuparã.

⁶To bairo na cáto bero jĩcañ carũjayupu mai cu macu seeto cu camai majuc. To bairi na nipetirore na carero bero cu quenare cu cajoobajupu, urau macu ñmi ñrã yu macure cu ñncubugogarãma ii. ⁷To bairi ti wejere cu cacote rotiricarã maca cu macurena cu cajooricure cu tũjurã ocõo bairo caame iñuparã: “Anina ñmi caberopu ati wejere cu pacu yere cacugo ñjapau. Cũre mani jĩa rocacõato. To bairo ána tiere mani majuuna mani cugogarã.” ⁸To bairo ñrã cu ñe, cu cajia rocacõañuparã. Cu jĩa yaparo ti weje tũjaropu cu rupau ñnatore carocacõañuparã.

⁹—To bairo cu ya wejere cu cacote rotibatana to bairo rooro na cátajere tũñu ¿dope bairo nare átacumi muja i tugooñati? na caññupu Jesu. —Cu majuuna atí, cu ya wejere cu cacote rotiricarãre na cajia re roti peocõañupu. Na jĩa re rotiri bero aperã macare na cajooyupu ti weje ñje wejere.

¹⁰¿Nope ñrã Dio Wadariqueru tirũtũpu macana na cañ ucariquere muja tugooña majiquëeti ocõo bairi wamere? Ocõo bairo i ucarique ñ:

Û ta wiire wegara jĩca ñtaare cabeje rocacõañuparã, tia ñuquëe ñrã. Tia na carocabatacarena cane cññuparã aperã maca, atie ñuu

majuucōa ĩrã. To bairi tierena wii pucua cãniparore cawe peo jũgoyuparã, tia mena mani cacooñaata cariape anigarõ ĩrã.

¹¹ Mani Ƴpaũ Dio cu cátaje ã. Tiare cu cane we peoro caroaro já tũju wariĩnuu, ĩ ucarique ã, na caĩ buioyupũ Jesu sacerdote majare.

¹² Ti wame queti buio majiorica wamere Jesu cu cabuio, cũre mani cabooquẽtierena ĩimi, ĩ punijinirã nemoona cu cañegabajuparã. To bairo ñegabana quena camaja macare uwibana to cõona janari cáaãcoajuparã.

El asunto de los impuestos

(Mt. 22.15-22; Lc. 20.20-26)

¹³ Cabero fariseo maja na mena macana jĩcaarãre Herode ya poa macana menare na cajooyuparã Jesu tũpũre. Camajiriori wame cũre mani caĩ jeniñarijere ricati cu caĩ yuata, “Carooũ ãmi, cabai buicucu ãmi Jesu,” Ƴparãre cu mani ĩ wadajãgarã ĩrã, Jesure na cajeniña roti jooyuparã. ¹⁴ To bairi na cajooricarã Jesu tũpũ ejarã ocõo bairo cu caĩñuparã:

—Dio yere cariapena cabuioũ mu ã. ĩtoquẽcũna mu buionucu. “To bairona na yũ caĩ buio yũ tutiborãma,” mu ĩ tũgooñaquẽe. Camaja jĩcarore bairo na mu tũju. To bairi já ĩ buioya: Roma macana Ƴparã jãre carotirã niyeru jãre na cajeninucurijere nare já cajooro, ¿cu rotibocuti Dio? ¿Nare cawapayepẽ to ãti? ¿O nare cawapayequetipe to ãti? Jesure cu caĩ jeniñañuparã.

¹⁵ Jesu maca na caitorijere, rooro cũre na cátagarijere majiri ocõo bairo na caĩñupũ:

—¿Nope ĩrã roorije Jesu cu ĩ bui cũparo ĩrã yũre muja jeniñati? Niyeru cuire neajã. Yũ tũjupa.

¹⁶ To bairo cu caĩro niyeru cuire neatĩri cu caĩnooñuparã.

Jesu ti cuire tũjuri:

—¿Namũ wame to tujati? ¿Ñamũ cu cabaurije majuu to tujati? na caĩ jeniñañupũ Jesu.

To bairo cu caĩ jeniñaro:

—Ƴpaũ majuu, Roma macacu cu cabaurije ã. Cu wame tuja, cu caĩñuparã.

¹⁷ To bairo na caĩro:

—Baiyupa Ƴpaũ Roma macacũre cu jooya cu ye cãnipere. Dio ye quenare mujaare cu cajenirijere cu jooya, na caĩñupũ Jesu.

To bairo na cu caĩ yũro apirã caapi acũacoajuparã.

La pregunta sobre la resurrección

(Mt. 22.23-33; Lc. 20.27-40)

¹⁸ Cabero tunu saduceo maja na caĩrã Jesure cajeniñarã ejayuparã.

“Cabai yajiricarã tunu catiquetigarãma,” caĩ buionucurã cãñuparã saduceo maja. To bairi Jesu tũpũ eja, ocõo bairo cu caĩñuparã:

¹⁹ —Camajare cabuei, ocõo bairi wame carotirijere caucayupi Moisé:

“Jĩcaũ numocuti capunaa mácũna cu cabai yajiata cabai maca cu numo cũparo cu jũgocu numo cãnibatacore. Cabero co mena ãcu cu camacu cuti jũgou, cabai yajiricu macu maca anibojagumi,” caĩ ucayupi Moisé, Jesure caĩñuparã. ²⁰ —To bairi siete cãnacũ jĩcaũ punaa cãñuparã. Cãni jũgou canũto cutibajupũ. Punaa mácũna cabai yajiyupũ. ²¹ Punaa mácũna cu cabai yajiro bero cu bai, cu bero macacu cõrena cawapearicore canũto cutibajupũ. Cu quena to bairona punaa mácũna cabai yajicoajupũ. Cu

bero macacu quenare to bairona cabaiyupe tunu. ²² To bairo jetona jĩcaũ

punaa siete cānibatana co jīcaorena nūmo cutiba, punaa manana cabai yaji peticoajuparā. Na cabairo bero na nūmo cānibataco quena cabai yajicoajupo, co quena. ²³Na nipetiro jīcau punaa sietepuna cōre canūmo cutibajuparā. To bairi cabai yajiricarā tunu catirāpū ĩnii nūmo maca co ācoati? caī jeniñañuparā.

²⁴To bairo na caīrijere apii ocōo bairo na caīñupū Jesu:

—Mūja tūgooña mawijia. Dio Wadariquere mūja api majiquēe. Dio cū cāti majirije quenare mūja majiquēe. ²⁵Cabai yajiricarā tunu catirāpū canūmoa cutiquēna, camanarūa cutiquēna anigarāma. Dio tū macana āngel majare bairo cabairā anigarāma. ²⁶Ape wame mūjaare yū buionemogu cabai yajiricarā na catunu catirijere. Moisé quena cū caucarique mūja buericarā. Cañee mani yeparū jīcau yucu turo caūro watoarū ocōo bairo caī wadayupū Dio Moisére: “Diona yū ā. Mū ñicu jāa Abraham, Isaá, Jacobo cāniñaricarā Ūpauna yū ā,” caīñupū Dio Moisére. ²⁷To bairo ĩi, Dio tūpū catima mai ĩi, caīñupū Jesu. —Dio cabai yajiricarā Ūpaū aniquēemi. Cacaticōa aninucurā Ūpaū maca āmi Dio. Tere mūja tūgooña mawijia, na caīñupū Jesu saduceo majare.

El mandamiento más importante

(Mt. 22.34-40)

²⁸Cabero apeī judío majare cabuerā mena macacu Jesu tūpū caejayupū. Jesu mena saduceo maja seeto na caame wadaro caapiricu cañupū. To bairi Jesu caroaro nare cū cayū majirijere apiri ocōo bairo Jesure caī jeniñañupū cū quena:

—Moisé cū carotirique ĩdi wame maca cāni majuuri wame to āti? caīñupū.

²⁹To bairo cū caīro ocōo bairo cū caīñupū Jesu:

—Ape wame rotirique netoro cāni majuurije ocōo bairo ĩrique ā: “Israel maja, apiya. Mani Ūpaū Dio jīcauna āmi mani Ūpaū. Apeī maami. ³⁰To bairi mani Ūpaū Diore nūcūbugoya. Seeto cū maiña. Mūja yeri mena, mūja catūgooñarije mena, mūja catūgooña ocabutirije mena, nipetiro mūja catūgooña majiro cōo, mūja Ūpaū Diore cū mai nūcūbugoya.” To cōona ā cāni majuuri wame. ³¹Ti wame bero macá wame tiere bairobujana ā tie quena. Ocōo bairo ā: “Mūja majuuna mūja camairore bairona aperā quena na maiña.” Apeye tie netoro cānie maa, caīñupū Jesu.

³²To bairo cū caīrijere apii judío majare cabuei ocōo bairo caīñupū Jesure:

—Cariapena mū ĩ. To bairona ā. Dio jīcauna āmi. Apeī cū netobujaro carotii mácumi. ³³Diore mani camai nūcūbugorije, mani yeri mena, mani catūgooñarije mena, mani catūgooña ocabutirique mena mani camairije ape wame netoro cāni majuurije ā. To bairi mani majuuna mani camairore bairona aperāre mani camairije caroa ā. Waibucurā joe buje mūgorique netoro cāni majuurije ā Diore mani camairije, aperāre mani camairije maca, Jesure cū caīñupū.

³⁴Jesu maca caroaro cū cayūro tūjūū ocōo bairo cū caīñupū:

—Petoacā mure ruja Ūpaū Diore cariapena mū catūgooña nūcūbugoparo. To bairo cū caīro bero cū jeniña uwirā jīcau mácana Jesure caī jeniñanemoquējuparā.

¿De quién es hijo el Cristo?

(Mt. 22.41-46; Lc. 20.41-44)

³⁵Jesu Dio wiipū camajare na buiou ocōo bairo na caīñupū:

—ĩNope ĩrā judío majare cabuerā, “Cristo, Dio cū cajou David pāramipū

anigumi,” na ñnucuti? na caññupũ. ³⁶—David cũ majuuna Espíritu Santo cũ camajirije ñguri ocõo bairo cañ uca yupi:

Dio ñmãgẽoorũ cãcũ cũ Macãre yũ Ñpaure cũ caññupũ:

“Ato yũ mena ruiya yũ tũ maca, yũ mena carotii anigũ.

Yũ mena ruiiri mũ carotiro mũre catũju tutirãre na yũ regũ,”

caññupũ Dio yũ Ñpaure, cañ uca yupi David tirãmũpũre.

³⁷To bairo ñi, “Cristo yũ Ñpaũ ãmi,” ñi to bairo cañ uca yupi David, Dio cũ cajoopaũ Cristore. To bairo, “Ñpaũ,” David cũ cañata ¿Dope bairo cũ pãramipũ cãcũ maca Cristo cũ anibocuti? na caññupũ Jesu. Ñpaũ David ãnacu netoro cãcũ yũ ã ñi, to bairo caññupũ Jesu.

Capãarã camaja topũ cãna nipetiro seeto cũ caapi wariñuuñuparã nipetiro cũ cañ buiorijere.

Jesús acusa a los maestros de la ley

(Mt. 23.1-36; Lc. 11.37-54; 20.45-47)

³⁸Jesu camajare buioũ ocõo bairo na caññupũ:

—Judío majare cabuerãre caroaro na tũju majiña. Jutii caroa cayoerije jaña teñaganucuma, aperã caroaro manire na tũju ñucubũgoato ñrã. To bairi maca recomacaru na cããteñari paari camaja nare na cañuu roti ñucubũgopere booma. ³⁹Neñapo buerica wiiripũ aãna uparã ye cumu pãiripũ jeto ruigama. Boje rũmũ quenare uparãre bairo aperã ñugoye jeto ugaganucuma.

⁴⁰Cawapearicã romiri cabopacoarã romiri apeye uniere na joorã paio majuu wapa jeninucuma. To bairo átiri na cacũgorije nipetirore jee weonucuma. To bairo cabopacoarã cawapearicã romiri yere cajee pairã anibana quena Dio wiipũ jãari yoaro Diore jeni ñucubũgotonucuma, camaja jãre na tũju ñucubũgoato ñrã. Nana ãma aperã netoro Dio cũ capopiyeyeparã, caññupũ Jesu.

La ofrenda de la viuda pobre

(Lc. 21.1-4)

⁴¹Jesu Dio wiipũ Jerusalén macã wiipũ ãcũ camaja na caniyeru jãnucuri pata tũ caruiyupũ. Dio wii na caquenoore wapare na cajãri pata cañũpe. Camaja ti patapũ na caniyeru jãaro catũjucõa ruiyupũ. Aperã paio caniyeru cũgorã ti patapũre paio cajãñuparã. ⁴²To bairo na cáti ani paũna jĩcao cawapearico cabopacao caejayupo. Co quena pũga cui niyeru cuiiriacã cawapa maniacãre ti patapũ cajãñupo. ⁴³To bairo co cáto tũjũ cũ buerãre pijori ocõo bairo na caññupũ Jesu:

—Cariare mũjaare yũ ñ. Atio cawapearico cabopacao maca Dio cũ catũjuoro aperã nipetiro na netoro joomo. ⁴⁴Na maca paio cacũgorã aniri nare carũjarijere jooma. Co maca, “Cabopacao yũ ã,” ñ tũgoõñaquẽcona nipetiro co cacũgobatajeacãre joomo. Co cauga catĩboriqueacãre joo peocõamo, caññupũ Jesu.

Jesús dice que el templo será destruido

(Mt. 24.1-2; Lc. 21.5-6)

13 ¹Jesu Dio wiipũ cãnacũ cũ cabuti aãto jĩcaũ cũ cabuei ocõo bairo cũ caññupũ:

—Jãre cabuei, tũjũya ati wiire caroa arũri cãniere, ñta rupaari mena caroaro na cawerica wiire. Ati wii caroa wiiro majuu anicõa, Jesure cũ caññupũ.

²Jesu maca ocõo bairo cũ caññupũ:

—¿Ati wii na cawerica wiire tujurã mũa áati? Ape rumurũ atie mũa catujurijere re peocõagarãma aperã. Jica ùtaa mácana apea bui pejanucu baiquetigaro. Nipetiro recõagarãma, na caĩñurũ Jesu cũ buerãre.

Señales antes del fin

(Mt. 24.3-28; Lc. 17.22-24; 21.7-24)

³ Cabero Jesu cũ buerã mena Ñ tau Olivo cawamecutii Dio wii canamuñaro cabauricu tũrũ cáaájuparã. Jesu topũ cũ caruiri paũ Pedro, Jacobo, Juan, André aperã na caapiquẽtopũ cũ cajeniñañuparã Jesure:

⁴ —Jãre buioya. ¿Noo cõopũ mũ caĩje to bairoati? ¿Dope bairo majuu jã tũju majirãati to bairo baigaro mũ caĩjere? cũ caĩ jeniñañuparã.

⁵ To bairo na caĩro ocõo bairo na caĩ buioyurũ Jesu:

—Aperã jã ïtorema ïrã caroaro tũgoõña majiña. ⁶ Capãarã ïtori, “Dio cũ carotiro mena yũ áa. Dio cũ cajooricu majuu, Cristo yũ ã,” caĩtorã anigarãma. To bairo na caĩtorijere apiujagarãma camaja capãarã.

⁷ Na caame jãrije quetire mũa apigarã. Capee paũri to bairo cabairijere mũa queti apigarã. To bairo cabairijere apirã uwiqueticõaña. To bairona bai jugogaro ati umurecoo capetiparo jugoye. Capetiparo rujagaro mai.

⁸ Jica maja ape maja mena ame quẽgarãma. To bairi jica yepa macana, ape yepa macana mena ame jãgarãma. Capee paũri yepa nanaagaro. Ape paũri ñigo riarique quena anigaro. Atie nipetiro popiye tamuorique bai jugogaro. To bairo to cabaibato quena ati umurecoo capetiparo rujagaro mai.

⁹ To bairo cabairi paũ yũ ye quetire caapiteerã rooro mũa átigarãma. Yũre mũa caapiujarije wapa ùparã tũrũ jee aati, na neñapo buenucuri wiiripure mũa bapegarãma. To bairo na cáto ùparãre yure mũa caapi nucubugorijere nare mũa buiogarã. To bairi mũa majuu caroaro tũgoõña ocabutiya, rooro mũaare na cátiarije to cãnibato quena. ¹⁰ Ati umurecoo capetiparo jugoye nipetiro macanare Dio camajare cũ canetoo catiorije quetire cabuio bate teña peocõape ã. ¹¹ Ùparã tũrũ mũaare na cajee áato tũgoõnarique paiquẽnana aãnaja. Mũaare na cajeniñarijere na mũa caĩ yũpere tũgoõnarique paiqueticõaña. Nare mũa caĩ yũpere mũa majiogumi Dio. To bairi mũa majuuna mũa caĩpe aniquetigaro. Dio Espiritu Santo mũaare cũ caĩ majiope macare mũa ï yugarã. ¹² Ti paũ cãno jicau apeĩ cũ bairena ùparãre wadajãgumi, Jesucristore caapiujau ãmi ïi. To bairo átiri ùparã cũre na cajã rocaro átigumi. Aperã na punaa majuuena ùparãrũre na wadajãgarãma, Jesure na caapiujarije wapa na jãa recõaña ïrã. Aperã na pacuarena ùparãrũre na wadajãri jãa re rotigarãma. Jesucristore caapiujarã ãma ïrã to bairo jeto átigarãma ati umurecoo capetiparo jugoye. ¹³ To bairi camaja nipetiro yure caapi nucubugorãre tũju teegarãma. Yure caapi nucubugonucucõarã macare na netoogumi Dio.

¹⁴ Tirumũrũ macacu Daniel cawamescũ ati umurecoo capetiparo jugoye cabaipere ocõo bairo caĩ uca jugoyeyeyupi: “Carooũ majuu Dio wiirũna anigumi. Ti wiirũ caroorije majuu átiri Dio wii macajere epe regumi.” (To bairo Jesu cũ buerãre cũ caĩ buiorique atie ucariquere buerã caroaro api majiña.) To bairo Dio wii to bairo roorije cabairo tujurã, popiyeegumi Dio ïrã, Judearu cãna ùta yucurũ na ruti aáparo. ¹⁵ Noa wii bui cãni aruapũ cãna uwaro atu rutiri wii pupearũ jãa áti na apeyere na jeequeticõato. ¹⁶ Aperã noo wejeripũ paari maja quena na wiiripũ na apeyere, na jutiire jeerã aãna na tunu aáqueticõato. Cariapena ù

ta yucurɔn na ruticoaparo. ¹⁷To bairo cabairi paɔ ɔta pacoa romiri, aperã saɔpurãacãre carɔjarã quena popiye majuu tamɔogarãma, atɔ ruti majiquetibana. ¹⁸Diore cɔ jeniya, mɔja carutiri rɔmɔ caocari rɔmɔ, cajoori rɔmɔ to aniqueticõato ãrã. ¹⁹Ti yɔtea cãno popiye majuu tamɔorique anigarõ. Dio ati ɔmurecoore cɔ cãtato berore to cõo majuu popiye tamɔoya maa. Caberopɔ quenare manigarõ. ²⁰To bairo popiye catamɔori rɔmɔrɔre Dio cɔ cajanaoquẽpata, camaja nipetiro yaji peticoaborãma. Jĩcaɔ maca catiquetibõmĩ. To bairi Dio yarã cãniparãre cɔ cabejericarã na cacatiparore bairo to cõo ti rɔmɔri popiye tamɔorica rɔmɔrɔre jana rotigumi Dio yua.

²¹Ti paɔ cãno, “Jĩpɔ ãmi Cristo, Dio cɔ cajooricɔ,” o “Jõrɔ ãñurɔ,” mɔjaare na caĩro na api nɔcɔbɔgoqueticõãna. ²²Capãrã, “Dio cɔ cajooricɔ majuu na yɔ ã,” caĩto pairã anigarãma. Aperã, “Dio ye quetire cabuiorã jã ã,” caĩtorã quena capãrã anigarãma. Capee átĩ ãnoogarãma, Dio yarã cɔ cacũricarã Diore na apiɔja janaato ãrã, çjã macare na apiɔjabocuti? ãrã. ²³To bairo cabaipere caroaro mɔjaare yɔ buiotugawɔ mere. To bairi ti yɔtea cãno caroaro mɔja tɔjɔ majigarã, na caĩñurɔ Jesu cɔ buerãre.

Cómo vendrá el Hijo del Hombre

(Mt. 24.29-35, 42-44; Lc. 21.25-36)

²⁴To bairo ã yaparo ocõo bairona na caĩnemoñurɔ Jesu:

—To bairo popiye tamɔorica yɔtea bero muĩpu ɔmurecoo macacɔ naitãacoagumi. Nami macacɔ quena bujuquetigumi. ²⁵Ñocõa quena wẽgarãma. ɔmurecoo macana quena nipetiro seeto wãregarãma. ²⁶To bairo cabairi paɔ yɔ, camaja tɔrɔ Dio cɔ cajooricɔ yɔ catutuarije mena ɔmurecoorɔ cãnacɔ yɔ ruĩ atĩgɔ. Bujeri burɔa watoarɔ Dio ye seeto caaji baterije mena yɔ caruĩ atõ yɔ tɔjɔ mɔgojogarãma camaja nipetiro. ²⁷Cabero Dio tɔ macana ángel majare na yɔ jee neo rotigɔ, yɔ cabejericarã jetore ati ɔmurecoo nipetirorɔ cãnare.

²⁸Higuera cawamecutii cabairije tɔgoõna majiña. Carɔrɔri buɔuanemo, cawama pũu wajoa cabairo tɔjɔrã, “Yucɔacãna cɔma anigarõ bai,” mɔja ã maji. ²⁹To bairona mɔjaare yɔ caĩ buiori wameri cabairo tɔjɔrã, “Yucɔacãna tunu atĩgumi Jesu,” mɔja ã tɔjɔ majigarã. ³⁰Cariape mɔjaare yɔ ã. Atie nipetiro mɔjaare yɔ caĩ buiori wamere bairona baigaro ati yɔtea Dio cɔ cawajoaparo jũgoye macana na cayajiparo jũgoye. ³¹ɔmurecoo, yepa quena wajoagaro. Yɔ caĩ buiorije maca wajoaquetigarõ. Yɔ caĩ buiorore bairona bainucucõagaro.

³²Ati ɔmurecoo capetipere, “Ti rɔmɔ cãno, ti paɔ majuu cãno petigarõ,” ã majiña maa. Dio tɔ macana quena ã majiquẽema. Yɔ quena Dio Macɔ anibacɔ quena yɔ majiquẽe. Manĩ Pacɔ ɔmurecoo macacɔ jeto majimi to bairo cabaipere.

³³Di rɔmɔ majuu yɔ catunu atĩpere mɔja majiquẽe mɔjaa. To bairi caroaro tɔgoõna maja catiri yɔ caboore bairo to cãnacã rɔmɔ átĩcõa aninucũna.

³⁴Ocõo bairo mɔjaare yɔ ã buio majiõgɔ: Jĩcaɔ camajocɔ aperõ cayoarorɔ cãããteñau aãtacɔ cɔ catunu ejarore bairona baigaro yɔ catunu atĩpe quena. Camajocɔ aperorɔ aãgɔ jũgoye cɔ ɔmɔa to cãnacãure na paariquere cũmi. Jĩcaɔre cɔ ya wii macajere caroaro cɔ cote rotiimi. Roti yaparo aperorɔ aãcumi. ³⁵Cɔ cãããto bero caroaro na cãni yuurore bairona baiya mɔja quena. Na quena, “To cõo majuu tunu atĩgumi mani ɔpaɔ,” ã majiquẽnama. Canaiori paɔ, ñami recomaca, ábocɔ cɔ cayopiri paɔ, o cabujuri paɔ bero tunu atĩbõmĩ.

Muja quena nare bairona majiquetibana caroaro yure yuunucucōaña. ³⁶Majiña mano yu cáatí paupure cacaniřare bairona muja aniborā to cānacā rumu muja catugoña maja catiquēpata. ³⁷Mujaare yu cairijere yu yarā nipetirāre to bairona mujaare yu ī. Caroaro coteya to cānacā rumu.

Conspiración para prender a Jesús

(Mt. 26.1-5; Lc. 22.1-2; Jn. 11.45-53)

14 ¹Puga rumu carujayupe pan cawauarije manona na caugapa boje rumu. Ti rumu cāno sacerdote maja ũparā judío majare cabuerā, ¿dope bairo átí ñeri Jesure mani jiarāati? ĩrā, áttorique mena cūre na cañepere caquenooyugoyeyuparā. ²To bairo cu ñegabana quena ocōo bairo caame ĩñuparā:

—Boje rumu cāno mani átiqūēna. Camaja capāarā boje rumu catujura ejarā cu mairā noo na cabooro manire awaja tutiborāma. To bairo mani cátiere rooye tuuborāma, caame ĩñuparā.

Una mujer unge a Jesús

(Mt. 26.6-13; Jn. 12.1-8)

³“Cūre jā jīagarā,” na caame ĩtoye Jesu maca Betaniapu Simón caajeri boabatacu ya wiipu cāñupu. Jesu cu cauga rui ri pauna cāromio alabastro cawamecuti ru werica ru cajuti ñuurije paio cawapacutie cajaanari rure cane ejayupo. Ti rure neatí, pā, Jesu rupoare capio peoyupo tiere. ⁴Jīcaarā topu cāna to bairo co cáto tujurā, “Roro majuu áamo,” caī tugoñañuparā. ĩ tugoñari ocōo bairo caame ĩñuparā:

—¿Nope ĩo cawapa pacarije to cānibato quena joco majuuna co átí reti?

⁵Aperāre co cajoata jīca cuma paarique wapa cōo wapa jooboricarāma. To cōo wapa jee, cabopacoorāre jooboricomo, cañuparā. To bairo ame ĩri co catutiuparā. Jesu maca ocōo bairo na cañupu:

⁶—Co cátigari wame co áparo. ¿Nope ĩrā cōre muja patowācooti? Caroaro yure áamo. ⁷Cabopacoorā muja watoapu anicōa aninucugarāma. Noo muja caboori pañ nare muja átinemo maji. Yu maca muja mena yoaro yu aniquetigu. ⁸Caroaro yure co cáti majiri wame áamo. To bairi atie caroa jutí ñuurijere yure pio peomo, yu cabai yajiro bero yu rupaure na cayaaro na capio peoparore bairo ĩnoo áamo. ⁹Cariape mujaare yu ī. Ati yepa nipetiro yu ye quetire cabuio teñarā yure co cátaje quenare buiogarāma. Yure co cátaje majiritiqueti nucugarāma.

Judas traiciona a Jesús

(Mt. 26.14-16; Lc. 22.3-6)

¹⁰Cabero Judas Iscariote, Jesu buerā doce cānacāu mena cānacu cāaájupu sacerdote maja ũparā tũpu, Jesure na cañepere na wadajāu aácu.

¹¹To bairo cu cairijere api wariñuuri, “Niyeru mure jā wapayegarā,” cu cañuparā. To bairo na cairo apii Jesure dope bairo átiri cu na cañepere caquenoñupu Judas yua.

La Cena del Señor

(Mt. 26.17-29; Lc. 22.7-23; Jn. 13.21-30; 1 Co. 11.23-26)

¹²Cabero pascua boje rumu judío maja pan cawauarije caajuya manie na cauga jugori rumu cāñupe. Oveja cawimaure boje rumu na caugapauure na cajīari pañ cāno Jesu buerā ocōo bairo cu cañuparā:

—¿Noorpu pascua boje rumu mani caugapa paure jā quenoorāati? cū caī jeniñañuparā.

¹³To bairo na caīro apii cū buerā pugarāre, ocōo bairo na caī buioyuru:

—Aánaja Jerusalēpu. Topu ejarā jīcau cū mija boca tujugarā caoco jotu tu peo aácure. ¹⁴Cū mena aāti cū cajāari wiipu mija ejagarā. Topu eja, ti wii upaure ocōo bairo cū iña: “Manire cabuei ocōo bairo mu ī joomi: ¿Noorpu to āti yu buerā mena pascua boje rumu yu caugapa arua? mu ī joomi,” cū ī buioya. ¹⁵To bairo mija caīro cabui macá arua capairi arua, quenoo yaparorica aruare mija iñoogumi. Topu mani caugapere quenoo yuuya, caī buioyuru Jesu cū buerāre.

¹⁶To bairo cū caīro apirā Jesu buerā pugarā cáaaçoajuparā Jerusalén macapu. Ti macapu eja, Jesu cū caīricarore bairona cabuga ejayuparā. To bairi ti aruapu pascua cāno na caugapere caquenoo yuuyuparā.

¹⁷⁻¹⁸Cabero canaiori pañ caejaro Jesu cū buerā doce cānacāu mena eja, cauga ruiyuparā. Topu na mena uga ruiina ocōo bairo na caīñuru Jesu:

—Cariapena mujaare yu ī. Jīcau mija mena macacu yu mena caugau yure catujuteerāre yure wadajāgumi, yure na ñeato īi.

¹⁹To bairo cū caīro apirā seeto catugooñarique paiyuparā. To bairo tugooñarique paibana:

—¿Yuna yu baiquetibacuatī? Jesure cū caī jeniña peticōañuparā, na cāno cōona.

²⁰To bairo na caīro ocōo bairo na caī yuyuru Jesu maca:

—Jīcau mija mena macacu yu mena jīca baparuna cayoje ugauna āmi, caīñuru. ²¹—Yu cabaibe tirumuru macana Dio ye quetire cabuiorā na caī ucaricarore bairona yure baigaro. To bairo yu cabaibe to cānibato quena rooro majuu baigaro yu catuju teerāre yure cawadajāu macare. Ati yepapu cū cabuiaquēpata cūre ñuucōaboricaro, na caīñuru Jesu cū buerāre.

²²Ī yaparo Jesu cū buerā mena ugañ, pāre ne, cū Pacu Diore cajeni nucubugoyuru. Jeni nucubugo yaparo tiare pe muto, nare joo, ocōo bairo na caīñuru:

—Ugaya. Atie yu rupañ ā, na caīñuru.

²³Cabero etirica bapare ne, Diore cajeni nucubugoyuru tunu. Jeni nucubugo yaparo cū buerāre na catiñuru. Nipetiro cū buerā ti bapare caeti peticōañuparā. ²⁴Nare tīauna ocōo bairo na caīñuru Jesu:

—Atie yu rií ā. Yu rií re yajigu, camaja capāarā caroorije na cátiere wapayebojau. To bairo yu caríí re yaji wapayebojaro camaja caroorije na cátajere majiriobojagumi Dio cūre cajeni nucubugorāre. To bairo mujaare yu caī cūri wamere tugooñari etiya. ²⁵Cariapena mujaare yu ī. Atie uje ocore yucnacā mani caetirore bairo yu etinemoquetigu. Cabero yu Pacu caupau yure cū cacūro beropu mija mena ape ni yu etinemoqu tunu, caīñuru Jesu.

Jesús anuncia que Pedro lo negará

(Mt. 26.30-35; Lc. 22.31-34; Jn. 13.36-38)

²⁶Jesu cū buerā mena na caugaricaro bero Diore ī baja yaparo ti wii cānana cabuticoajuparā, Olivo na caīricu ũ taupu aána.

²⁷Topu na cáaáto ocōo bairo na caīñuru Jesu cū buerāre:

—Mija nipetiro ati ñami uwibana yure mija ruti weo peticoagarā. To bairo mija cabaipere Dio ye queti ucarica piuropu caī ucaricarore bairona baigaro. Ocōo bairo ī ucarique ā: “Oveja upaure cū jīagarāma.

Cu na cajĩaro oveja aá bategarãma,” ĩ ucarique ã. To bairo na cáaa baterore bairona mũa quena yũre mũa ruti aáweogarã, uwibana. ²⁸Na cajĩa rocaricu anibacu quena yũ tunu catigu. Tunu catiri bero Galilea yeparu mũa jũgoye yũ aágu, mũaare yũ aácu, na caĩñuru Jesu.

²⁹To bairo cu caĩro apii Pedro cu caĩñuru:

—Aperã nipetiro uwibana mũre na caruti aáweorije to cãnibato quena yũ maca yũ aáquetigu, caĩñuru.

³⁰To bairo cu caĩro:

—Cariapena mũre yũ ĩ. Yucu ñamina cabujuri paũ jũgoye abocu pũgani cu cawadaparo jũgoye itiani, “Cu mena macacu mee yũ ã,” yũre mũ itogu, caĩñuru Jesu Pedrose.

³¹To bairo cu caĩro apibacu quena Pedro caĩnemoñuru tunu:

—Mũ mena yũre na cajĩa rocarije to cãnibato quena, “Cu mena macacu mee yũ ã,” yũ ĩqueti majuucoagu yũa, caĩñuru Pedro.

Aperã cu mena macana quena cũre bairo jeto caĩ peticoañuparã.

Jesús ora en Getsemaní

(Mt. 26.36-46; Lc. 22.39-46)

³²Olivo cawame cutiiru aána Getsemaní cawamecutoru caejayuparã.

Toru ejaũ Jesu cu buerãre ocõo bairo caĩñuru:

—Atona mũa ruiwa, Diore yũ cajeni nucubugou aátouye, caĩñuru.

³³Toru Diore jeni nucubugou aácu Pedrose, Jacobore, Juãre na capi aájuru. Toru aá, seeto majuu catũgoñarique pai yaparu jũgoyuru.

³⁴Tũgoñarique pai netobacu ocõo bairo na caĩñuru:

—Yũ bai yajibo, seeto majuu tũgoñarique pai netori yaparuabacu.

Atona mũa yuu ruiwa caniquẽnana, na caĩbajuru.

³⁵To bairo ĩ yaparo na jũgoyebũaacã aá, yeparu mubia roca cumu áti, ocõo bairo caĩ jeniñuru Diore:

—Caacu, mũ cabooata, yũ capoye tamũore to baiqueticõato, caĩ jeniñuru Diore. ³⁶—Caacu, nipetirijere mũ áti maji. To bairi mũ cabooata rooro yũ catamũore to baiqueticõato. Yũ maca yũ capoye tamũore yũ cabooquẽtie to cãnibato quena mũ caboorore bairo maca to baiato, caĩñuru.

³⁷To bairo Diore ĩ jeni yaparo cu buerã tũru tunu aá, nare catũjũyuru cacani cuñarãre. Cacani cuñarãre na tũju, ocõo bairo na caĩñuru Pedrose:

—Simón, ¿canirã mũa áati? ¿Petoacã caniquẽnana mũa cote ocabutiquẽti? ³⁸Caniquẽnana cotecõaña mũaa. Diore cu jeniya, Satanã cu caboorije macare jã áti wadajãremi irã. Mũa yeripũre yũre mũa cáaaáweogaquẽtie to cãnibato quena mũa rupaũri macare mũa ocabutiquẽe, na caĩñuru.

³⁹To bairo ĩ yaparo cu Pacure cu cajenirica paũpũna aáti to bairona cu caĩ jeniñuru tunu. ⁴⁰Jeni yaparo cu buerã tũ maca aáti cacanirãrena catũjũyuru tunu. Seeto majuu nare cawũgoa ejayure. To bairi dope bairo cũre caĩ yũ majiquẽjuparã. ⁴¹To bairo bai yaparo cu Pacure Jesu cajeni tũjũyuru to bairo cu caĩricarore bairona tunu. Jeni yaparo tunu áti, cu buerãre ocõo bairo na caĩñuru:

—¿Canirã mũa áati mai? To cõona caniña. Mere yoyiya. Mere ejacoapa yũre na cañera paũ. Mere ejatũgami yũre catũju teerãre cañe rotiricu.

⁴²¡Wamũnũcaña! ¡Jitá! Mere ejatũgami yũ mena cãnibatacũna caroorãre yũre cawadajãricu.

Llevan preso a Jesús

(Mt. 26.47-56; Lc. 22.47-53; Jn. 18.2-11)

⁴³To bairo Jesu cū buerāre cū cawada ani pauna na mena macacu cānibatacu Judas Iscariote caejayupū. Cū mena caejayuparā camaja capāarā jarerica pāiri, yucuri cacūgorā. Sacerdote maja ūparā, judío majare cabuerā, aperā cabucurā carotirā na cajooricarā cāñuparā. ⁴⁴Na caejaparo jūgoye Judas maca na caī buio jūgoyeyeyupū, Jesure na tūju majiatio īi.

—Jesu cū cāni paupū ejaū cū yū pabario jeniñagu. To bairo cū yū cāto tūjurā cū mūja ñegarā. Cū ñe, caroaro cū jia, cūre mūja ne aágarā, na caī jūgoyeyeyupū Judas.

⁴⁵To bairi Judas Jesu tūpu ejaū cū caī jūgoyeyericarore bairona Jesu tūpu atí, caroaro cū pabariori:

—iMū anibapari, Ūpaū! Jesure cū cañupū.

⁴⁶To bairo Judas cū cāto tūjurā to cōona cū cañecoajuparā Jesure.

⁴⁷Cūre na cañeri paū jīcaū Jesu mena macacu topū catūjūnucuricu cū jarerica pāire tūga we neri sacerdote maja ūpaū paabojari majocūre cū amoorore capa ta rocacōañupū. ⁴⁸To bairo cū cāto bero Jesu na cañupū cūre cañerāre:

—¿Jee rutiri majocūre cañerā anāre bairo jarerica pāiri, yucuri mena yūre mūja ñerā atíti? cañupū. ⁴⁹—To cānacā rumū Dio wiipū Dio ye quetire buionucuri mūja watoapū yū cāninucuwū. To bairo yū cānibato quena yūre mūja cañequēpū. Yucnacā Dio ye queti ucarica pūuoropū tirūmupū macana na caī ucaricarore bairona yūre mūja áa.

⁵⁰Jesure na cañero tūjurā cū buerā cū caruti weo peticoajuparā yua.

El joven que huyó

⁵¹Jesure na cañe aáto jīcaū cawamaū cū cacaniri jutiro mena dūre turi cauja aájupū. To bairo cū cabairo cū quenare cañeñuparā.

⁵²Cūre ñebana cū cacaniri jutirore cū cadūre tubatarore cañe woo rocacōañuparā. To bairi jutiro mácuna caatū ruticoajupū.

Jesús delante de la Junta Suprema

(Mt. 26.57-68; Lc. 22.54-55, 63-71; Jn. 18.12-14, 19-24)

⁵³Jesure cū ñe aá, sacerdote maja ūpaū tūpu cū cane aájuparā. Topū nipetiro sacerdote maja ūparā, judío majare carotirā cabucurā, judío majare cabuerā quena caneñapo yuuyuparā. ⁵⁴Pedro maca Jesu bero cayoabujaroacāpū tūju ūja nutua, sacerdote maja ūpaū majuu ya wii jope tū macá yepapū caejayupū. Topū polisía maja mena ejanumu, capero jumacōa ruiyupū.

⁵⁵Nipetiro sacerdote maja ūparā, judío majare carotirā nipetiro, “¿Dope bairo átiri Jesure mani wadajārāati?” caame īñuparā, Jesure na cajía rotipere. To bairo átigabana quena, “Ocōo bairo cū cātaje wapa cū capopiyeyepe ā,” cañri wamere cabūga majiquējuparā. ⁵⁶Capāarā cūre caī wadajārā cañoyuparā. To bairo ībana quena cariape jīcaro mena cañrā camañuparā. ⁵⁷Aperā wamūnucari jocarāna ocōo bairo cañoyuparā:

⁵⁸—Ocōo bairo cū cañrijere jā apiwū: “Ati wii, Dio wii capairi wiire camaja na cáta wiire yū rocagu. Itia rumū bero ape wii camaja na cátiqueti wii macare yū átí wajoagu,” cañwī, cañuparā.

⁵⁹To bairo na cañrije quenare jĩcaro mena caĩ maji petiquẽjuparã.

⁶⁰To bairo na cañrijere apii sacerdote maja Ƴpaũ majuu na watoapu cãpacũ wamũnucari Jesure ocõo bairo caĩ jeniñaũuru:

—¿To bairo mure na cañrijere mu yugaquẽeti? ¿Dope bairo mure írã na ïti?

⁶¹Jesu maca cayũquẽjupũ to bairo cũ cañrijere. To bairo cũ cayũquẽto tũjũũ sacerdote maja Ƴpaũ cajeniñanemoñupũ tunu:

—Mũna tirũtũpũ macana, “Atĩgũmi jĩcaũ Cristo na caĩi, Dio cũ cajoũ,” na cañricũ, ¿Dio caroaũ majuu Macũna mu ãti? cũ caĩũpũ.

⁶²To bairo cũ caĩro:

—Cũna yũ ã, cũ caĩũpũ Jesu. —Dio cũ cajooricũ aniri caberopũ cũ tuna ruiri cũ mena carotii yũ anigũ. Ati yepapũ rui acũ bujeri bũgũari watoapu yũ carui ató yure mũa tũjugarã, cũ caĩũpũ Jesu.

⁶³To bairo cũ caĩro apii sacerdote maja Ƴpaũ majuu, yũ capunijinirijere na tũjũ majiatio ïi cũ jutiire catũga woo reyupũ. Woo re yaparo:

—Nope írã caroorije cũ cáti buicũtiere aperã cabuioparãre na mani jeniñanemoquẽna. ⁶⁴Rooro Diore cũ cañrijere mũa apiwũ mere. ¿Dope bairo mũa tũgooñati mũaaa? caĩũpũ.

To bairo cũ caĩro topũ cãna nipetiro:

—iCãre cajĩape ã! caĩũparã.

⁶⁵To bairo ïri jĩcaarã to catũjũnucurã cũ caũco eo bate tuyuparã Jesure yua. Aperã jutiro ajero mena cũ capere jia biperi, cũ bape:

—¿Ni maca mure cũ baperi? cũ caĩ epeyuparã. Polisía maja quena Jesu riyare capayuparã.

Pedro niega conocer a Jesús

(Mt. 26.69-75; Lc. 22.56-62; Jn. 18.15-18, 25-29)

⁶⁶⁻⁶⁷Jesure na cañe jãaro bero Pedro maca tii wii jope tũ macã yepapũ capero juma ruiyupũ. To bairo cũ cabairi paũ jĩcao cãromio sacerdote maja Ƴpaũre caraabojao Pedro tũpũ caejayupo. Cũ tũpũ ejari ocõo bairo cũ caĩũpũ:

—Mu quena Jesu Nasaré macacũ mena cãaaateñaeraũna mu ãcũ, cũ caĩũpũ.

⁶⁸Pedro maca to bairo co caĩro ocõo bairo co caĩtoyupũ:

—iCũ mena macacũ mee yũ ã! Yũ majiquẽe to bairo mu cañrijere.

To bairo ï yaparo wiire na cajani jãa amojorerica janiro jopepũ caeia nũcaũpũ. Topũ cũ catũjũnucurona ãbocũ cawadayupũ. ⁶⁹Sacerdote maja Ƴpaũre caraabojao apeo tunu cũ tũjũo topũ cãnare:

—Ani quena na mena macacũna ãmi, caĩũpũ.

⁷⁰To bairo co caĩro apii co quenare caĩtoyupũ Pedro tunu. Caberoacãna topũ cãna Pedrore ocõo bairo caĩũparã:

—Jocarã mee jã ï. Mu quena na mena macacũna mu ã. Mu quena Galilea macacũ mu ã, cũ caĩũparã.

⁷¹To bairo na caĩro apii na caĩtonemoñupũ tunu:

—iJĩ mũa caĩire yũ majiqueti majuucõa! iCariape mee yũ caĩata Dio yure cũ popiyeyeató!

⁷²To bairo cũ caĩrona ãbocũ cawadayupũ tunu. To cõona Pedro Jesu cũ cañriquere catũgooña bũgayupũ. “Ãbocũ pũgani cũ cawadaparo jugoye itiani, ‘Jesure cũ yũ majiquẽe,’ na mu ïtogũ,” cũ cañrique catũgooña bũgayupũ. Tere tũgooñari, seeto caĩtoyupũ.

Jesús ante Pilato

(Mt. 27.1-2, 11-14; Lc. 23.1-5; Jn. 18.28-38)

15 ¹ Cabujuri pau sacerdote maja Ɂparã, aperã cabucurã carotirã, aperã judío majare cabuerã mena caneñapoyuparã. Neñapo, jıcaro mena tıgoonari romano maja Ɂparãre Jesure nare na cajıa rotipere cawadapeniñuparã. Wadapeni yaparo Jesure jiari Pilato tıpu cu cane aájuparã. ² Pilato Jesure tıjıu cu caı jeniñañupı:

—¿Mına mı áti judío maja Ɂparı? cu caıñupı.

—Mı caırore bairona yı á, cu caı yıyupı Jesu.

³ Sacerdote maja Ɂparã maca Pilatore capee cu cawadajãñuparã. ⁴ To bairo na caırijere apii Pilato Jesure caı jeniñanemoñupı tunu:

—¿To cıo capee majuu mıre na cawadajãbato quena mı yugaquęeti? caıñupı.

⁵ To bairo Pilato cu caıbato quena, “Jocarã yıre ĩma,” cu caı yıquęıjupı Jesu. To bairo cu cayıquęeto tıjıu Pilato catıjı asıayupı. Dope bairo caı tıgoona majıquęıjupı.

Jesús es sentenciado a muerte

(Mt. 27.15-31; Lc. 23.13-25; Jn. 18.38-19.16)

⁶ To cãnacã cuma pascua boje rımu cãno Pilato presopı cãcure nii camaja na cabuu rotiire cabuunucıñupı. ⁷ Jesure to bairo na cáti yıteare Barrabá cawamecıcu Ɂparãre caregarã mena macacu camajare cajıaricu aperã camajare cajıaricarã mena caruiyupı preso wiıpu. ⁸ Camaja maca Pilato tıpu aá, “Boje rımu cãno mı cátinucurore bairona ája,” cu caıñuparã. ⁹ To bairo na caıro Pilato na caıñupı:

—¿Judío maja Ɂparıre yı cabuuro mıja booti? caıñupı.

¹⁰ Sacerdote maja Ɂparã Jesure cu tıjıteerã cu ñeñupa, caı majıñupı.

¹¹ Sacerdote maja Ɂparã maca, “Barrabá macare cu buuya,” seeto majuu camajare caı rotıyuparã Pilato macare. ¹² To bairo na caıro apii Pilato na caı jeniñañupı:

—Judío maja Ɂparı mıja caıı macare ¿dope bairo yı cáto mıja booti? caı jeniñañupı.

¹³ To bairo cu caıro camaja nipetiro ocıo bairo caı awajayuparã:

—ıYucu tıorica pãıpu cıre na papua jıato! caı awajayuparã.

¹⁴ Pilato maca:

—¿Nope ĩı ani caroorije cátiquetacırena cu yı papua jıa rotıbocıti? caıbajupı.

To bairo cu caıbato quena, camaja maca caı awajanemoñuparã tunu:

—ıYucu tıorica pãıpu cıre na papua jıacıato! caı awajanemoñuparã tunu.

¹⁵ To bairo na caı awajarijere apii Pilato maca, camaja caroaro yıre na ĩato ĩı, Barrabá macare cabuu rotıyupı. To bairo ĩı yaparo Jesu macare polisıa majare na bape roti, yucu tıorica pãıpu capapu jıa rotıyupı.

¹⁶ To cıona Ɂparı Pilato ya wiı macá yepa carecomaca cãni yeparı cıre cane aájuparã. Topı cu ne ejari polisıa maja nipetiri poari macanare capi neoñuparã. ¹⁷ Topı Jesure cu ne ejari Ɂparı cu cajaanı jıtiıro unore cu cajã epeyuparã cajıari jutırore. To bairo átiri pota beto mena cu rıpoare capeoyuparã, “Ɂparı cu capejari beto unore pejaya,” ĩrã. ¹⁸ To bairo cu áti yaparori cu caı epeyuparã:

—ıJudío maja Ɂparı! ¡Caroaro warıñuuña! caı epeyuparã.

¹⁹ To bairo ĩrāna yucu mena cū r̄p̄oare capanucũñuparā. Cũ re ũco eo bate turi, cū tũ ejacumuri cū caĩ epeyuparā. ²⁰ To bairo cũ re ĩ epe yaparo cajũari jutiro na cajāricarore tu weri cū jutiro macare cajāñuparā tunu. To bairo áti yaparo yucu t̄õrica p̄aip̄u cū papua j̄iarā aána cū canecoajuparā yua.

La crucifixión

(Mt. 27.32-44; Lc. 23.26-43; Jn. 19.17-27)

²¹ Jesure j̄iarā aána na cane aáti paũ j̄icaũ Sirene cawamecuti maca macacu, maca tujaropũ cāaáteñau ejaricure cabocayuparā. Alejandro, Rufo cawamecũna pacũ cāñupũ. Topũ cũ re bocarāna cū ñeri, yucu t̄õrica p̄ai Jesure na capapuara p̄aire cū capũja rotiyuparā.

²² To bairi Jesure Gólgota cawamecuti buuropũ cū cane aájuparā. Gólgota caĩri wame “r̄p̄oa ōwa coro buuro” ĩgaro ĩ. ²³ Topũ Jesure cū ne ejari ũje oco capiyarije mena na caajuriquere cū catiñuparā. Jesu maca tiere caetigaquẽjupu. ²⁴ To bairo átiri bero yucu t̄õrica p̄aip̄u cū capapua j̄iañuparā. Polisia maja cū ye jutire ĩ buga eperique mena caricawoyuparā, ñne unie majuure j̄a bugarāati? ĩrā, to bairo cájuparā.

²⁵ Yucu bui muipu cū cāni paũ las nueve cāno majuu Jesure yucu t̄õrica p̄aip̄u cū capapuayuparā. ²⁶ Jesu ye wapa caĩri wamere ocõo bairo cauca tuyuparā: “Ani judío maja Upaũ āmi.” ²⁷ Aperā p̄ugarā cajee ruti p̄airā quenare Jesu mena yucu t̄õrica p̄aip̄u capapua j̄iañuparā. Jicaure cariape ñgoa maca, apeĩre cacõ ñgoa maca canucoñuparā. ²⁸ To bairo na cáti Dio ye queti ucarica p̄uuropũ na caucaricarore bairona cariape cabaiyupe. Ocõo bairo ucarique cāñupe: “ ‘Cū quena caroorā mena macacu āmi,’ ĩ t̄ugooñagarāma.”

²⁹ Camaja Jesure na capapua ñcoricaropũ caneto aánucurā cū ñu puari ocõo bairo cū caĩ epeyuparā:

—Jocũna caĩricũ mũ ā. “Dio ya wiire yũ rocagu. Rocabacu quena itia r̄m̄ũ bero yũ wajoagu ape wii yũ camajirije mena.” ³⁰ Jocũ majuuna mũ ĩñupa. Mũ majuuna netooña. Mũ cáti majirije mena yucu t̄õrica p̄aip̄u na capapuaricu cānacũ rui ajá, cū caĩ epeyuparā.

³¹ Sacerdote maja ũparā, judío majare cabuerā quena to bairona cū caĩ epeyuparā:

—Aperāre na canetooricu anibacu quena cū majuuna netoo majiquẽmi.

³² Israel maja Upaũ, Dio cū cajooricũ cū cāmata yucu t̄õrica p̄aip̄u na capapuaricu cānacũ cū majuuna cū ruiato. To bairo cū cabairo tujurā cariapena cũ re mani api ñcũbugogarā, caĩ epeyuparā.

Cajee rutiricarā cū mena yucu t̄õrica p̄aip̄u na can̄coricarā quena to bairona rooro cū caĩñuparā.

Muerte de Jesús

(Mt. 27.45-56; Lc. 23.44-49; Jn. 19.28-30)

³³ Jesure na capa puaricaro bero pajaribota caejaro ati yepa nipetiropũ canaitiacoajupe. Itia hora majuu muipu cabujuquẽjupu. ³⁴ To bairi las tres cāni paũ majuu muipu yucu bui cū cānibopa paũna ocõo bairo capi awajayupũ Jesu cū ye mena:

—Eloi, Eloi, ¿Rama sabactani? To bairo ĩi ocõo bairo ĩi caĩñupũ: “Dio, Dio, ¿nope ĩi yure mũ aáweori?”

³⁵ Aperā j̄icaarā topũ cāna to bairo cū caĩro apirā ocõo bairo caĩñuparā:

—iJā! Apiya cū cañirijere. Elías tirumuru macacu Dio ye quietire buiori majocu cāniñaricure pii icumi, caññuparā.

³⁶To bairi jīcañ to catujñucucū atu aá, bujare bairo cāni bñrua mena ñje ocopu weyoo, yucuru tupua átiri cū cañu mugo jooyuru, cū etiato ñi. To bairo átiri ocōo bairo caññuru:

—Mani tujato mai. Elías cū ne ruioñ acú atīgumi, caññuru.

³⁷To bairo cū cañri pañna Jesu maca seeto awajañna, yeri jiniñā tuja, cabai yajicoajuru yua. ³⁸Cū cabai yajiri pañna Dio wii pupea macá aruare na cayo matarica ajero juti ajero to majuuna cawoo atu aájupe carecomaca mena. Cabui maca woo atu rui atí, cayaparū cawoo ejooyupe. ³⁹Roma maja polisía maja urau Jesu ñoro catujñucuricu Jesu cū cayeri jiniñā tujaro tujau ocōo bairo caññuru:

—Cariapena ani Dio Macu majuuna aññupi.

⁴⁰Jīcaarā romiri cayoabujaroacāpu catujjuo tujñucuiñuparā na quena. Na mena caññuparā María Magdalena, apeo María pugarā Jacobo, José jāa paco, to bairi Salomé caññuparā. ⁴¹Na romiri Jesu Galileapu cū cāno cūre cātinemonucurica romiri caññuparā. Apera capāarā romiri Jerusalēpu Jesu mena caejaricarā caññuparā na quena.

Jesús es sepultado

(Mt. 27.57-61; Lc. 23.50-56; Jn. 19.38-42)

⁴²⁻⁴³Judío maja na yerijārica rumu jūgoye macá rumu caññupe. To bairi yerijārica rumu na caugapere na caqueno yuuri pañ, canaiori pañ cāno majuu caejayuru José Arimatea cawamecuti maca macacu. Cū quena cabñcurā rotiri maja mena macacu caññuru. Cristore cabooquēna mena macacu anibacu quena jīcañna Dio cū cajou urau cū caejapere cayuu caññuru. To bairi tugoña ocabutiri Pilato turu aá, Jesu rupañ ñatore ne ruiori cū yaa rocagu cū cajeniñuru. ⁴⁴Jesu ya rupañre José cū cajeniro apii Pilato maca ñmere cū riacoabauyupari? ĩ majigu romano yau polisía maja uraure cū pijori cū cajeniñañuru:

—¿Cariapena cū bai yajicoati, mere? cū cañ jeniñañuru.

⁴⁵“Mere, bai yajicoami,” polisía maja urau cū cañro apiri:

—Jesu rupañ ñatore Josere cū jooya, cū caññuru Pilato polisía maja uraure.

⁴⁶To bairo cū cañro José Jesu rupañ ñatore ne ruio, jutiuro ajero cū cawapayerica ajero, cabotiri ajero mena cū caumañuru. To bairo átiri jīca toti ũ ta toti na cawerica totipu camaja cayaaya mani totipure cū cañjuo rocauyuru Jesu rupaure. Áti yaparo ti totire ũ ta cuiro mena catu bia cūcōañuru. ⁴⁷María Magdalena, apeo María, José, Jacobo na pugarā paco Jesure na cayaaro catujuyuparā.

La resurrección de Jesús

(Mt. 28.1-10; Lc. 24.1-12; Jn. 20.1-10)

16 ¹Sábado judío maja na cayerijāri rumu capetiro María Magdalena, María Jacobo paco, apeo Salomé cajuti ñuuriñere cawapayeyuparā. Jesu rupañ ñatore pio tugarā cabaibajuparā. ²To bairi ape semana cāni jūgori rumu cabujuri pañacā majuu cāno muiru cū cawamū atí pañna Jesure na cayaarica ope turu cāaájuparā.

³Topu aána:

—¿Namū maca ũ ta cuirore manire cū ne wooboñuati? caame ññuparā.

⁴Topu eja, na catujuro ñ ta cuiro ti totire na cabiabata cuiro aperopu cãno catujuyuparã. ⁵To bairo to cabairo tujuri ti toti pupeapu cajãacoajuparã. Topu jãa ejari jicañ cawamañ cariape nũgoa maca jutii caroaro cabotiri wure cajiña ruiire catujuyuparã. Cũ tujurã seeto catujũ acũacoajuparã. ⁶To bairo na cabairo tujũ ocõo bairo na caĩñupũ topũ caruii ángel maca:

—Yure tujũ acuaqueticõaña. Mũjaa Jesu Nasaré macacu yucu tẽorica pãipũre na capapua jãaricũre macarã mũja áa. Mere tunu catĩcoami. Atopũre maami. Cũre na capeobata paure tujurã ajã. ⁷Tujũ yaparo aãti cũ buerã cãnanare, Pedro quenare buiorã aãja: “Cũ maca mũja jũgoye Galileapũ, mere aã yuugumi. Cajũgoye mũjaare cũ caĩ buioricarore bairona topũ cũre mũja tujurã,” na caĩñupũ.

⁸Na romiri to bairo cũ caĩro apirã Jesure na cayaaricaropũ cãnana caatũcoajuparã yua. Seeto uwibana cananaañuparã. To bairi aperãre na catujuriquere caĩ buioquẽjuparã, uwibana.

Jesús aparece a María Magdalena

(Jn. 20.11-18)

⁹Judío maja na yerijãrica rumũ bero macã rumũ cabujuro bero Jesu catunu catiricu cabuia eja jũgoyupũ María Magdalenare. Co maca cajũgoyepũ siete wãtiare cũ cabuu rebojarico cãñupo. ¹⁰Cõre cũ cabuia ejaricarõ bero Jesu mena cãaãteña nucuricarãre, cũ cabai yajiriquere tũgoonãrique pairi caotirãre cabuio aãjupo. ¹¹“Jesu mere tunu catiyupi, cũre yũ tujũwũ,” co caĩrijere apirã co caapi nũcũbugoquẽjuparã.

Jesús aparece a dos de sus discípulos

(Lc. 24.13-35)

¹²Jesu María Magdalenare cũ cabuia ejaricarõ bero aperã pũgarã cũre canũcũbugõrãre cabuia ejayupũ tunu. Maca tujaropũ cãaãteñarãre apẽire baii ricati bauũ cabuia ejayupũ. ¹³Nare cũ cabuia ejaro, cũ tujũ majiri bero aperã cũ buerã cãnanare cabuiorã aãjuparã. Na quenare na caapi nũcũbugoquẽjuparã.

El encargo de Jesús a los apóstoles

(Mt. 28.16-20; Lc. 24.36-49; Jn. 20.19-23)

¹⁴María Magdalenare, to bairi aperã quenare cũ cabuia ejaricarõ bero Jesu cũ buerã cãnana once cãnacãũna quenare cabuia ejayupũ. Na caũga ruiri paũna cabuia ejayupũ. Nare buia ejari, “Tunu catĩcoajupi,” na yarã na caĩrijere na caapi nũcũbugoquetaje jũgori, “¿Nope ñrã, ‘Tunu catĩcoajupi,’ na caĩrijere, cariape mũja api nũcũbugoqueti?” na caĩñupũ Jesu. ¹⁵Í yaparõu ocõo bairo na caĩñupũ:

—Ati yepa macana nipetirore yũ ye quetire na buio teñarãja. ¹⁶To bairo noo mũja cabuorijere apiũjari, cabautisa rotiricarã unare na yũ netoogũ. Yũre canũcũbugoquẽna una macare na yũ popiyeyegu. ¹⁷Yũre caapiũjarãre cũ camajirijere na joogumi Dio. Tierẽ nare cũ cajooro capee wameri áti ñnoo majigarãma. Yũ catutuario mena wãtia camajare cajãaricarã quenare re buu majigarãma. Aperã yere na cawada majiquestibatajere wada majigarãma. ¹⁸Añare ñerã quena, capunirijere etirã quena ñe uniere tamũoquetigarãma. Apeye quenare cariarãre na wamori mena na caĩnga peorona na cariaye cutie netoogaro, na caĩñupũ Jesu.

Jesús sube a los cielos

(Lc. 24.50-53)

¹⁹To bairo Jesu cū buerãre ī buio yaparori bero ɯmɯrecoopɯ caame pea nɯsacoajupɯ. Cū Pacu Dio tɯpɯre ejau cariape nɯgoa maca caejanɯmɯɯɯɯɯ. ²⁰ɯmɯrecoopɯ cū sawamɯ aáto bero cū buerã cānana nipetiropɯ Jesu ye quetire cabuio teñarã aájuparã. Na cabuio teñaro mani ɯpau cū majuuna na cátinemoñupɯ. “Na cabuioijere cariapena ã,” camaja na ī majiatio īi capee wame cañuuri wameri cū buerã cānana na cáti iñooro cájupɯ mani ɯpau.

To cōona ã.